

欽定唐書



卷一之四


土岐文庫

文庫17

W202

1





善書
百
十
又
悉

010.185193514

文庫 17

W202

上海集成圖書公司

藏版戊申五月重印

昭和六十年二月一日贈
上海集成圖書公司寄

進新唐書表

臣公亮言竊惟唐有天下幾三百年其君臣行事之始終所以治亂興衰之蹟與其典章制度之美宜其燦然著在簡冊而紀次無法詳略失中文采不明事實零落蓋又百有五十年然後得以發揮幽沫補緝闕亡黜正偽繆克備一家之史以爲萬世之傳成之至難理若有待臣公亮誠惶誠恐頓首頓首伏惟體天法道欽文總武聖神孝德皇帝陛下有虞舜之智而好問躬大禹之聖而克勤天下和平民物安樂而猶垂心積精以求治要日與鴻生舊學講誦六經考覽前古以謂商周以來爲國長久惟漢與唐而不幸接乎五代衰世之士氣力卑弱言淺意陋不足以起其文而使明君賢臣篤功偉烈與夫昏虐賊亂禍根罪首皆不得暴其善惡以動人耳目誠不可以垂勸戒示久遠甚可歎也乃因邇臣之有言適契上心之所閱於是刊修官翰林學士兼龍圖閣學士給事中知制誥臣歐陽修端明殿學士兼翰林侍讀學士龍圖閣學士尚書吏部侍郎臣宋祁與編修官禮部郎中知制誥臣范鎮刑部郎中知制誥臣王疇太常博士集賢校理臣宋敏求秘書丞臣呂夏卿著作佐郎臣劉義叟等並膺儒學之選悉發秘府之藏俾之討論共加刪定凡十有七年成二百二十五卷其事則增於前其文則省於舊至於名篇著目有革有因立傳紀實或增或損義類凡例皆有據依纖悉綱條具載別錄臣公亮典司事領徒費日月誠不足以成大

乾隆四年校刊

進新唐書表

典稱明詔無任慙懼戰汗屏營之至臣公亮誠惶誠懼頓首頓首謹言
嘉祐五年六月 日提舉編修推忠佐理功臣正奉大夫尚書禮部侍郎叅知政事臣曾公亮上表

進新唐書表

唐書目錄

宋 翰林學士歐陽修撰

本紀十

志五十

表十五

列傳一百五十 唐書共二百二十五卷

本紀

唐書卷一

本紀第一

高祖皇帝

唐書卷二

本紀第二

太宗皇帝

乾隆四年校刊 唐書目錄

唐書卷三

本紀第三

高宗皇帝

唐書卷四

本紀第四

則天順聖武皇后

中宗皇帝

唐書卷五

本紀第五

睿宗皇帝

玄宗皇帝

唐書卷六

本紀第六

肅宗皇帝

代宗皇帝

唐書卷七

本紀第七

德宗皇帝

順宗皇帝

憲宗皇帝

唐書卷八

本紀第八

穆宗皇帝

敬宗皇帝

文宗皇帝

武宗皇帝

乾隆四年校刊

唐書目錄

宣宗皇帝

唐書卷九

本紀第九

懿宗皇帝

僖宗皇帝

唐書卷十

本紀第十

昭宗皇帝

哀皇帝

志

唐書卷十一

志第一

禮樂一

唐書卷十二

志第二

禮樂二

唐書卷十三

志第三

禮樂三

唐書卷十四

志第四

禮樂四

唐書卷十五

志第五

禮樂五

唐書卷十六

乾隆四年校刊

唐書目錄

志第六

禮樂六

唐書卷十七

志第七

禮樂七

唐書卷十八

志第八

禮樂八

唐書卷十九

志第九

禮樂九

唐書卷二十

志第十

禮樂十

唐書卷二十一

志第十一

禮樂十一

唐書卷二十二

志第十二

禮樂十二

唐書卷二十三上

志第十三上

儀衛上

唐書卷二十三下

志第十三下

儀衛下

乾隆四年校刊

唐書目錄

唐書卷二十四

志第十四

車服

唐書卷二十五

志第十五

麻一

唐書卷二十六

志第十六

麻二

唐書卷二十七上

志第十七上

麻三上

唐書卷二十七下

志第十七下

麻三下

唐書卷二十八上

志第十八上

麻四上

唐書卷二十八下

志第十八下

麻四下

唐書卷二十九

志第十九

麻五

唐書卷三十上

志第二十上

乾隆四年校刊

唐書目錄

麻六上

唐書卷三十下

志第二十下

麻六下

唐書卷三十一

志第二十一

天文一

唐書卷三十二

志第二十二

天文二

唐書卷三十三

志第二十三

天文三

唐書卷三十四

志第二十四

五行一

唐書卷三十五

志第二十五

五行二

唐書卷三十六

志第二十六

五行三

唐書卷三十七

志第二十七

地理一

唐書卷三十八

乾隆四年校刊

唐書目錄

志第二十八

地理二

唐書卷三十九

志第二十九

地理三

唐書卷四十

志第三十

地理四

唐書卷四十一

志第三十一

地理五

唐書卷四十二

志第三十二

地理六

唐書卷四十三上

志第三十三上

地理七上

唐書卷四十三下

志第三十三下

地理七下

唐書卷四十四

志第三十四

選舉上

唐書卷四十五

志第三十五

選舉下

唐書卷四十六

志第三十六

百官一

唐書卷四十七

志第三十七

百官二

唐書卷四十八

志第三十八

百官三

唐書卷四十九上

志第三十九上

百官四上

唐書卷四十九下

志第三十九下

百官四下

唐書卷五十

志第四十

兵

唐書卷五十一

志第四十一

食貨一

唐書卷五十二

志第四十二

食貨二

唐書卷五十三

志第四十三

乾隆四年校刊

唐書目錄

食貨三

唐書卷五十四

志第四十四

食貨四

唐書卷五十五

志第四十五

食貨五

唐書卷五十六

志第四十六

刑法

唐書卷五十七

志第四十七

藝文一

唐書卷五十八

志第四十八

藝文二

唐書卷五十九

志第四十九

藝文三

唐書卷六十

志第五十

藝文四

表

唐書卷六十一

表第一

宰相上

乾隆四年校刊

唐書目錄

唐書卷六十二

表第二

宰相中

唐書卷六十三

表第三

宰相下

唐書卷六十四

表第四

方鎮一

唐書卷六十五

表第五

方鎮二

唐書卷六十六

表第六

方鎮三

唐書卷六十七

表第七

方鎮四

唐書卷六十八

表第八

方鎮五

唐書卷六十九

表第九

方鎮六

唐書卷七十

表第十

乾隆四年校刊

唐書目錄

宗室世系上

唐書卷七十下

表第十下

宗室世系下

唐書卷七十一上

表第十一上

宰相世系一上

唐書卷七十一下

表第十一下

宰相世系一下

唐書卷七十二上

表第十二上

宰相世系二上

唐書卷七十二中

表第十二中

宰相世系二中

唐書卷七十二下

表第十二下

宰相世系二下

唐書卷七十三上

表第十三上

宰相世系三上

唐書卷七十三下

表第十三下

宰相世系三下

唐書卷七十四上

乾隆四年校刊

唐書目錄

表第十四上

宰相世系四上

唐書卷七十四下

表第十四下

宰相世系四下

唐書卷七十五上

表第十五上

宰相世系五上

唐書卷七十五下

表第十五下

宰相世系五下

列傳

唐書卷七十六

列傳第一 后妃上

太穆寶皇后

文德長孫皇后

徐賢妃

王皇后

則天武皇后

和思趙皇后

章皇后 上官昭容

肅明劉皇后

昭成寶皇后

王皇后

貞順武皇后

元獻楊皇后

楊貴妃

唐書卷七十七

列傳第二 后妃下

張皇后

章敬吳皇后

貞懿獨孤皇后

睿真沈皇后

昭德王皇后

韋賢妃

莊憲王皇后

懿安郭太后

孝明鄭太后

恭僖王太后

貞獻肅太后

宣懿韋太后 尚宮宋若昭

郭貴妃

王賢妃

元昭 趙太后

惠安王太后

郭淑妃

恭憲王太后

何皇后

唐書卷七十八

列傳第三 宗室

江夏王道宗

廣甯縣公道興

永安王孝基

福

淮陽王道玄

漢

長平王叔良

乾隆四年校刊

唐書目錄

十二

鄆國公孝協 彭國公思訓 長樂王幼良 襄武王琛 河間王孝恭

漢陽王瓌 廬江王瑗 淮安王神通 膠東王道彥 梁郡公孝逸 國貞 復

襄邑王神符 從晦 隴西公博义 渤海王奉慈 說 齊物

唐書卷七十九

列傳第四 高祖二十二子

隱太子建成 衛王玄霸 巢王元吉 楚王智雲 荆王元景

漢王元昌 鄆王元亨 周王元方 徐王元禮 韓王元嘉 黃公 諡

彭王元則 鄭王元懿 霍王元軌 虢王鳳 道王元慶

鄧王元裕 舒王元名 魯王靈夔 江王元祥 密王元曉

滕王元嬰

唐書卷八十

列傳第五 太宗九王

常山王承乾 成王千里 吳王琬 信安王諱 濮王泰

庶人祿 蜀王愔 蔣王惲 越王貞 瓊王瑒 紀王慎 義陽 王琮

唐書卷八十一

列傳第六 三宗諸子

燕王忠 澤王上金 許王素節 襄信王瑒 孝敬皇帝 景道 章懷太子賢

邠王守禮 廣武王承宏 懿德太子重潤 譙王重福 魯王重俊

燉煌王承宗 讓皇帝憲 汝陽王璿 漢中王瑀 惠莊太子撝 惠文太子範 嗣岐王珍

景儉 惠宣太子業 嗣薛王知柔

唐書卷八十二

列傳第七 十一宗諸子

奉天皇帝琮 太子瑛 棣王琰 鄂王瑤 靖恭太子琬

光王琚 潁王璣 永王璘 壽王瑁 延王玢

盛王琦 豐王珙 汴王瓌 越王係 承天皇帝倓

彭王儻

襄王儼

嗣王煜

恭懿太子佖

昭靖太子邈

睦王述

舒王誼

通王諶

虔王諒

肅王詳

文敬太子讓

邠王經

惠昭太子寧

豐王暉

絳王悟

建王恪

懷懿太子湊

安王溶

悼懷太子普

陳王成美

莊恪太子永

通王滋

吉王保

德王裕

唐書卷八十三

列傳第八 諸帝公主

世祖一女

高祖十九女

太宗二十二女

高宗三女

中宗八女

睿宗十一女

玄宗二十九女

肅宗七女

代宗十八女

德宗十一女

順宗十一女

憲宗十八女

穆宗八女

敬宗三女

文宗四女

武宗七女

宣宗十一女

懿宗八女

僖宗二女

昭宗十一女

唐書卷八十四

列傳第九

李密 祖君章

唐書卷八十五

列傳第十

王世充

竇建德

唐書卷八十六

列傳第十一

薛舉 仁果

李軌

劉武周

高開道

劉黑闥 徐圓朗

唐書卷八十七

列傳第十二

蕭銑

輔公祏

沈法興

李子通 朱粲 林士弘 張善安

梁師都 劉季真

唐書卷八十八

列傳第十三

乾隆四年校刊

唐書目錄

劉文靜 裴寂趙文恪 李思行 李高遷 姜寶誼 許世緒 劉恩立 劉義節

馬三寶 李孟嘗 元仲文 秦行師

唐書卷八十九

列傳第十四

屈突通

尉遲敬德

張公謹 大安

秦瓊

唐儉 憲 持 次

彥謙

段志玄 文昌 成式

唐書卷九十

列傳第十五

劉弘基

殷開山

劉政會 奇 崇望 崇魯 許紹 罔師 欽明 欽寂

程知節

柴紹

任瓌

丘和 行恭

唐書卷九十一

列傳第十六

溫大雅 彦博 大有 信 造 皇甫無逸 李襲志 襲譽 姜蒼 行本 岐

崔善為 李嗣真

唐書卷九十二

列傳第十七

杜伏威 闕稜 王雄誕

張士貴

李子和

苑君璋

羅藝

王君廓

唐書卷九十三

列傳第十八

李靖 客師 令問 彦芳

李勣 敬業 思文

唐書卷九十四

列傳第十九

侯君集

張亮

薛萬均 萬徹 劉世讓

萬備 盛彥師 劉蘭 李君羨

盧祖尚

唐書卷九十五

列傳第二十

高儉履行 眞行 寶威誕 琮 抗德 立 靜

唐書卷九十六

列傳第二十一

房玄齡遺愛 杜如海楚客 淹 元穎 讓能

唐書卷九十七

列傳第二十二

魏徵謩

唐書卷九十八

列傳第二十三

王珪燾 薛收元超 元敬 馬周載 韋挺待價 武

唐書卷九十九

列傳第二十四

李綱安仁 李大亮道裕 戴胄至德 劉洎樂章 崔仁師元

列傳第二十五

陳叔達 楊恭仁恩訓 師道 封倫 裴矩 宇文士及

鄭善果元璠 權萬紀懷恩 關立德立本 蔣儼 韋弘機岳子

姜師度強循 張知謩

唐書卷一百一

列傳第二十六

蕭瑀鈞 嗣業 虞崇 華 復 定

唐書卷一百二

列傳第二十七

岑文本義 長情 格輔元 虞世南 李百藥安期 褚亮劉孝孫 李守素 李玄道

姚思廉璠 班 令狐德棻峘 顧胤 鄧世隆 李延壽

唐書卷一百三

乾隆四年校刊

唐書目錄

列傳第二十八

蘇世長真嗣

韋雲起方質

孫伏伽

張玄素

唐書卷一百四

列傳第二十九

于志寧休烈

龐嚴高季輔

張行成易之

唐書卷一百五

列傳第三十

長孫无忌做

順德褚遂良

韓瑗

來濟

李義琰來

上官儀

唐書卷一百六

列傳第三十一

杜正倫求仁

崔知溫知佛

高智周石仲覽

郭正一

趙弘智來章

崔敦禮

楊弘禮弘武

邢文偉子真

劉祥道齊賢

李敬立元素

唐書卷一百七

列傳第三十二

傅奕

呂才方毅

陳子昂王無競

唐書卷一百八

列傳第三十三

劉仁軌

裴行儉光廷

婁師德

唐書卷一百九

列傳第三十四

崔義玄神基

神慶楊再思

竇懷貞兢

宗楚客晉卿

祝欽明郭山暉

王珣

唐書卷一百一十

列傳第三十五 諸夷蕃將

乾隆四年校刊 唐書目錄

史大奈

馮盎智戴子猷

阿史那社尒忠

執失思力

契苾何力明

黑齒常之

李謹行

泉男生獻誠

李多祚李世

論弓仁惟貞

尉遲勝

尚可孤

裴玢

唐書卷一百一十一

列傳第三十六

郭孝恪

張儉延師

王方翼珣

蘇定方

薛仁貴訥嵩

程務挺

王孝傑

唐休璟

張仁愿張敬忠

王陵

唐書卷一百一十二

列傳第三十七

王義方

員半干石抱忠

韓思彥琬

蘇安恆

薛登

王求禮

柳澤範

馮元常元淑

蔣欽緒沈清

唐書卷一百一十三

列傳第三十八

唐書卷一百一十四

列傳第三十九

崔融從能慎田 徐彥伯

蘇味道

豆盧欽望史務滋周允元 崔元綜

唐書卷一百一十五

列傳第四十

狄仁傑光嗣兼謨

郝處俊象賢

朱敬則仁軌

唐書卷一百一十六

列傳第四十一

王綝備遂

韋思謙承慶嗣立弘景 恆

陸元方象先希聲餘慶 景融

王及善

李日知

杜景佺

李懷遠景伯彭年

唐書卷一百一十七

列傳第四十二

乾隆四年校刊

唐書目錄

十八

裴炎 伯先

劉禕之 郭翰

魏玄同 恬

李昭德

吉瓊

唐書卷一百一十八

列傳第四十三

張廷珪

韋湊 見索

縵 縵 謂 縵 顓 顓 知人

韓思復 制宗

宋務光 呂元泰

辛替否

李渤

裴潏 張臯

李中敏 李欵

唐書卷一百一十九

列傳第四十四

武平一

李义

賈曾 至

白居易 行簡

唐書卷一百二十

列傳第四十五

桓彥範 盧欽秀

薛季昶 仲昌

敬暉

崔玄暉 暉

張柬之

袁恕己 高

唐書卷一百二十一

列傳第四十六

劉幽求

鍾紹京

崔日用 宗之

王珣 張暉

王毛仲 李守禮

唐書卷一百二十二

列傳第四十七

魏元忠

韋安石 陟

抗 抗 斌 斌 叔夏

郭震 字元振

唐書卷一百二十三

列傳第四十八

李嶠

蕭至忠

盧藏用

韋巨源

趙彥昭 逢堯

唐書卷一百二十四

列傳第四十九

姚崇 奐

宋璟 潭

唐書卷一百二十五

列傳第五十

乾隆四年校刊

唐書目錄

十九

蘇瓌頰 詵 張說均 垣

唐書卷一百二十六

列傳第五十一

魏知古 盧懷慎奐

李元紘

杜暹鴻漸

張九齡拯 仲方

韓休洪 湜 綱

唐書卷一百二十七

列傳第五十二

張嘉貞延賞 弘靖 嘉祐 文規

源乾曜光俗

裴耀卿信

唐書卷一百二十八

列傳第五十三

蘇珣晉 尹思貞

畢構榘

李傑

鄭惟忠

王志愔 許景先

潘好禮

倪若水

席豫

唐書卷一百二十九

列傳第五十四

裴守真子餘 行立

崔沔

盧從愿

李朝隱

王巨

嚴挺之武 綬

唐書卷一百三十

列傳第五十五

裴灌寬 諱

陽嶠

宋慶禮

楊瑒

崔隱甫

李尚隱 解琬

唐書卷一百三十一

列傳第五十六 宗室宰相

李適之 李峴

李勉

李夷簡

李程廓

李石福 李回

唐書卷一百三十二

乾隆四年校刊

唐書目錄

三十

列傳第六十五

崔圓

苗晉卿

裴冕

裴遵慶向

呂誣

唐書卷一百四十一

列傳第六十六

崔光遠

鄧景山崔瑾

魏少游

衛伯玉

李澄克甫

韓全義

盧從史

高霞寓

唐書卷一百四十二

列傳第六十七

李麟

楊綰

崔祐甫植

柳渾諱

韋處厚

路隋

唐書卷一百四十三

列傳第六十八

高適

元結

李承

韋倫

薛珣存慶

崔漢衡

戴叔倫

王翊正雅

徐申

郝十美

辛祕

唐書卷一百四十四

列傳第六十九

來瑱裴茂

田神功神玉

侯希逸

崔寧薨

嚴礪

唐書卷一百四十五

列傳第七十

元載卓英麟

王縉黎幹

楊炎庚準

嚴郢

竇參中
吳通玄

唐書卷一百四十六

列傳第七十一

李栖筠吉甫

李鄘礪

唐書卷一百四十七

列傳第七十二

乾隆四年校刊

唐書目錄

三十二

王思禮

曾昺

王難得子顏

辛雲京京果

馮河清姚况

李芄

李叔明昇

曲環

王虔休

盧羣

李元素

盧士玫

唐書卷一百四十八

列傳第七十三

令狐彰建通

張孝忠茂宗裴夷直

陳楚

康日知志睦承訓

李洧

劉雍

田弘正布牟

王承元

牛元翼傅良弼李寔

史孝章

唐書卷一百四十九

列傳第七十四

劉晏滌包信

暹盧徵

潼李若初

元琇于頔

第五琦

班宏

王紹

李巽

唐書卷一百五十

列傳第七十五

盧邁

常袞

趙憬

崔造

齊映

唐書卷一百五十一

列傳第七十六

關播李平元

董晉陸長源劉全諒

袁滋

趙宗儒

竇易直

唐書卷一百五十二

列傳第七十七

張鎰

姜公輔

武元衡儒衡

李絳璋

宋申錫

唐書卷一百五十三

列傳第七十八

段秀實伯倫

巖文楚

顏真卿

唐書卷一百五十四

列傳第七十九

乾隆四年校刊

唐書目錄

李晟憲 愨 王 倓

唐書卷一百五十五

列傳第八十

馬燧暢 炫

渾瑊鎬 鐵

唐書卷一百五十六

列傳第八十一

楊朝晟

戴休顏

陽惠元景

李元諒

李觀

韓游瓌

杜希全

邢君牙

唐書卷一百五十七

列傳第八十二

陸贄

唐書卷一百五十八

列傳第八十三

韋臯劉 關

張建封愔

嚴震

韓弘公 武 充

唐書卷一百五十九

列傳第八十四

鮑防

李自良

蕭昕

薛播

樊澤宗 師

王緯

吳湊士 矩

鄭權

陸亘

盧坦閻 濟 美

柳晟

崔戎雍

唐書卷一百六十

列傳第八十五

徐浩

呂渭恭

孟簡

劉伯芻寬 夫 允 章

楊憑敬 之

潘孟陽

崔元略鉉 元 式 元 受 元 沆 崔 龜 從

韋綬

唐書卷一百六十一

列傳第八十六

張薦讀

趙涓博 宣

李紆

鄭雲逵

徐岱

王仲舒

馮伉

庾敬休

唐書卷一百六十二

列傳第八十七

姚南仲

獨孤及朝郁

顧少連

韋夏卿瑾

段平仲

呂元膺

許孟容季同

薛存誠廷老

李遜方玄建

唐書卷一百六十三

列傳第八十八

孔巢父發

縉 穆靈贊 質

崔邠鄆 鄆

柳公綽仲鄂 璞 珪 璧

楊於陵

馬總

唐書卷一百六十四

列傳第八十九

歸崇敬登

奚陟

崔衍

盧景亮王源中

薛萃膺

薛戎放

王質

胡証

丁公著

王彥威

唐書卷一百六十五

列傳第九十

鄭餘慶幹

處誨

鄭珣瑜草

裔綽

高郢定

鄭綱顯

權德輿璩

崔羣

唐書卷一百六十六

列傳第九十一

賈耽

杜祐式方

收宗 頤儒 休

令狐楚緒 縉

唐書卷一百六十七

列傳第九十二

白志貞

裴延齡

崔損

韋渠牟

李齊運

李實

皇甫鏞鏞

王播起 龜

唐書卷一百六十八

乾隆四年校刊

唐書目錄

二十五

列傳第九十三

執事

王叔文王伾

韓愈 韓泰 陳諫

陸質

劉禹錫

柳宗元

程异

唐書卷一百六十九

列傳第九十四

杜黃裳勝

裴垪

李藩

韋貫之溫 綬蕭

唐書卷一百七十

列傳第九十五

高崇文承簡

伊慎

朱忠亮

劉昌裔

范希朝

王鐸稷

孟元陽

王栖曜茂元

劉昌士涇

趙昌

李景略

任迪簡

張萬福

高固郝玘 史敬奉 野詩 長輔 附

唐書卷一百七十一

列傳第九十六

李光進光胤

烏重胤石洪 李珣

王沛滄

楊元卿廷宗

曹華

高瑀

劉沔

石雄

唐書卷一百七十二

列傳第九十七

于頔季友

王智興晏平 辛

杜兼羔 中立

杜亞

范傳正

唐書卷一百七十三

列傳第九十八

裴度識 諡

唐書卷一百七十四

列傳第九十九

李逢吉

元稹

牛僧孺蔚 徽

李宗閔

楊嗣復授 損 嬰

唐書卷一百七十五

列傳第一百

竇羣常車

劉栖楚

張又新

楊虞卿漢公汝士

張宿

熊望

柏耆

唐書卷一百七十六

列傳第一百

韓愈孟郊張籍盧全買島劉叉皇甫湜

唐書卷一百七十七

列傳第一百二

錢徽珣

崔咸

韋表微

高鉞湜銖湘

馮宿定審

李虞仲

李翱

盧簡辭知猷簡求弘止高元裕少逸

封敖

鄧薰

敬晦

韋博

李景讓景温

唐書卷一百七十八

列傳第一百三

唐書卷一百七十九

列傳第一百四

李訓

鄭注

王涯

賈餗

舒元興

王璠郭行餘李孝本韓約顏師魯羅立言李貞素

唐書卷一百八十

列傳第一百五

李德裕燧崔緄 丁柔立延古

唐書卷一百八十一

列傳第一百六

陳夷行

李紳

李讓夷

曹確

劉瞻勛

李蔚

唐書卷一百八十二

列傳第一百七

乾隆四年校刊

唐書目錄

二十七

李固言

李珣

崔珙

澹遠

蕭鄴

鄭肅

仁表

盧鈞

盧簡方

韋琮

周墀

裴休

劉瑑

夏侯孜

趙隱

裴坦

鄭延昌

王溥

盧光啟

韋貽範

唐書卷一百八十三

列傳第一百八

畢誠

崔彥昭

劉鄴

豆盧瑑

陸晨

鄧欽

朱朴

孫儻

韓偓

儀

唐書卷一百八十四

列傳第一百九

馬植

楊收

發嚴

路巖

韋保衡

盧攜

唐書卷一百八十五

列傳第一百十

鄭收

王鐸

王徽

韋昭度

張濬

唐書卷一百八十六

列傳第一百十一

周寶

匡凝

王處存

郗

鄧處訥

雷滿

陳儒

劉巨容

馮行襲

唐書卷一百八十七

列傳第一百十二

趙德諲

匡凝

楊守亮

楊晟

顏彥明

彥暉

唐書卷一百八十八

列傳第一百十三

王重榮

珙

諸葛爽

李罕之

王敬武

師範

孟方立

遷

唐書卷一百八十九

列傳第一百十四

楊行密

時溥

朱宣

孫儒

唐書卷一百九十四

列傳第一百十四

高仁厚

趙犖

昶

田頴

朱延壽

乾隆四年校刊

唐書目錄

二十八

唐書卷一百九十

列傳第一百一十五

劉建鋒 馬殷 殷弟賓

成汭

杜洪

鍾傳

劉漢宏

張雄 馮弘鐸 徐約 王潮 審邽

劉知謙 盧光稠

唐書卷一百九十一

列傳第一百一十六 忠義上

夏侯端

劉感

常達

敬君弘 馮立 謝叔方

呂子臧 馬元規

王行敏 盧士獻 李玄通

羅士信

張道源 楚金

李育德 李公逸 張善相

高叡 仲舒

金安藏

王同皎 周憬

吳保安

李澄 源

盧奕 元輔

張介然 崔無諛

唐書卷一百九十二

列傳第一百一十七 忠義中

唐書卷一百九十三

列傳第一百一十八 忠義下

程千里 袁光廷

龐堅 薛恩

張興

蔡廷玉

符令奇 璘

劉迺

孟華

張伾

周曾

張名振

石演芬

吳淑

高沐

賈直言

辛謙

黃碣 孫揆

唐書卷一百九十四

列傳第一百一十九 卓行

元德秀 李暹

權皋

甄濟

陽城 何蕃

司空圖

唐書卷一百九十五

列傳第一百二十 孝友

李知本

張志寬

劉君良

王少玄

任敬臣

支叔才

程袁師

武弘度

宋思禮

鄭潛曜

乾隆四年校刊

唐書目錄

二十九

元讓

裴敬彝

梁文貞

沈季詮

許伯會

陳集原

陸南金

張琇

侯知道

許法慎

林攢

陳饒奴

王博武

萬敬儒

章全益

唐書卷一百九十六

列傳第一百二十一

隱逸

王績

宋桃椎

孫思邈

田游巖

孟詵

王友貞

王希夷

李元愷

衛大經

武攸緒

白履忠

盧鴻

吳筠

潘師正 劉道合 司馬承禎

賀知章

秦系

張志和

孔述睿

敏行

陸羽

崔觀

陸龜蒙

唐書卷一百九十七

列傳第一百二十二 循吏

韋仁壽

陳君賓

張九濟

李桐客

李素立

至遠

雷

薛大鼎

克博

賈敦頤

楊德幹

田仁會

歸道

裴懷古

韋景駿

李惠登

羅珣

讓

韋丹

宙

盧弘宣

薛元賞

何易子

唐書卷一百九十八

列傳第一百二十三 儒學上

徐文遠

陸德明

曹憲

顏師古

相時 游秦

孔穎達

王恭 馬嘉運

歐陽詢

通

朱子奢

張士衡

賈大隱

張後盾

蓋文達

文懿

谷那律

從政

蕭德言

許叔牙 子儒

敬播

劉伯莊 劉訥言

秦景通

羅道宗

唐書卷一百九十九

列傳第一百二十四 儒學中

郎餘令

餘慶

徐齊聃

堅 嶠

沈伯儀

路敬淳

敬潛

王元感

王紹宗

彭景直

盧粲

尹知章

張齊賢

柳沖

馬懷素

殷踐猷

寅

孔若思

季翊 至

唐書卷二百

乾隆四年校刊

唐書目錄

列傳第一百二十五 儒學下

褚无量 徐安貞

元行沖

陳貞節

施敬本

盧履冰

王仲巨

康子元 侯行果

趙冬曦 尹愔

陸堅 盧儼

啖助

韋彤

陳京

暢當

林蘊

韋公肅

許康佐

唐書卷二百一

列傳第一百二十六 文藝上

袁朗 諡承序 利貞

賀德仁 庾抱

蔡允恭

謝偃

崔信明 鄭世翼

劉延祐 藏器 知柔

張昌齡

崔行功 銑

杜審言 易簡

王勃 勳 助 楊炯

盧照隣 駱賓王

元萬頃 正 范履冰

義方 周思茂 胡楚賓

唐書卷二百二

列傳第一百二十七 文藝中

李適 元旦 劉允濟 沈佺期

尹元愷 富嘉謨

劉憲

李邕

王維

呂向

王翰

蕭穎士 存 陸據 柳并 皇甫冉

蘇源明 梁肅

王維

唐書卷二百三

列傳第一百二十八 文藝下

李華 翰 觀

孟浩然 王昌齡 崔頴

劉太真

邵說

于邵

崔元翰

于公異

李益

盧綸

歐陽詹 柎

李賀

吳武陵

李商隱

薛逢

李頻

吳融

唐書卷二百四

列傳第一百二十九 方技

李淳風

甄權 許胤宗 張文仲

袁天綱 客師 金梁鳳

張暲藏 王遠知 乙弗弘禮

薛暉 葉法善

明崇儼

尚獻甫

嚴善思

杜生

張果 邢和璞 師夜光

羅思遠

姜撫

桑道茂

乾隆四年校刊

唐書目錄

索元禮 來俊臣來子珣 神劾 周興 侯思止 王弘義

郭弘霸 姚紹之 周利貞 王旭 吉温羅希夷

崔器 毛若虛 敬羽

唐書卷二百一十

列傳第一百三十五 藩鎮魏博

田承嗣悅 懷諫 緒 季安 史憲誠 何進滔弘敬 全暉 樂彦禎 韓允中

羅弘信紹威

唐書卷二百一十一

列傳第一百三十六 藩鎮鎮冀

李寶臣惟岳 惟簡 王武俊士真 承宗 王廷湊元遠 景崇 紹鼎 紹懿

唐書卷二百一十二

列傳第一百三十七 藩鎮盧龍

李懷仙 朱滔 劉怱 朱克融 李全忠匡 國 靈 李載義揚志 史元忠 劉仁恭

唐書卷二百一十三

列傳第一百三十八 藩鎮淄青橫海

李正己納 師古 師道 程日華懷直 懷信 李全略同捷

唐書卷二百一十四

列傳第一百三十九 藩鎮宣武彰義澤潞

劉玄佐鄧惟恭 吳少誠少陽 元濟 李祐 劉悟從諫 李師晦 李丕稹 李佐之

唐書卷二百一十五上

列傳第一百四十上

突厥上

唐書卷二百一十五下

列傳第一百四十下

突厥下

唐書卷二百十六上

列傳第一百四十一上

吐蕃上

唐書卷二百十六下

列傳第一百四十二下

吐蕃下

唐書卷二百十七上

列傳第一百四十二上

回鶻上

唐書卷二百十七下

列傳第一百四十二下

回鶻下

唐書卷二百十八
列傳第一百四十三

沙陀

唐書卷二百十九

列傳第一百四十四 北狄

契丹

奚

室韋

黑水靺鞨

渤海

唐書卷二百二十

列傳第一百四十五 東夷

高麗

百濟

新羅

日本

流鬼

唐書卷二百二十一上

列傳第一百四十六上 西域上

泥婆羅

党項

東女

高昌

吐谷渾

焉耆

龜茲 駸祿迦

疏勒 朱俱波

于闐

天竺

摩揭陀

罽賓

唐書卷二百二十一

列傳第一百四十六下 西域下

康

盜遠

大勃律

吐火羅

謝肥

識匿

箇失密

骨咄

蘇毗

師子

波斯

拂菻

大食

唐書卷二百二十二上

列傳第一百四十七上 南蠻上

南詔上

唐書卷二百二十二中

列傳第一百四十七中 南蠻中

南詔下

蒙雋詔

越析詔

浪穹詔

唐書卷二百二十二下

列傳第一百四十七下 南蠻下

環王

盤盤

扶南

真臘

詞陵

投和

瞻博

室利佛逝

名蔑

單單

驃

兩爨蠻

南平獠

西原蠻

唐書卷二百二十三上

列傳第一百四十八上 姦臣上

許敬宗

李義府

傅游藝

李林甫

陳希烈

唐書卷二百二十三下

列傳第一百四十八下 姦臣下

盧杞

崔胤

崔昭緯

柳璨

蔣玄暉

張延範

朱友恭

唐書卷二百二十四上

列傳第一百四十九上 叛臣上

僕固懷恩

周智光

梁崇義

李懷光

陳少游

李錡

唐書卷二百二十四下

列傳第一百四十九下 叛臣下

李忠臣

喬琳

高駢

朱玫

王行瑜

陳敬瑄

李巨川

唐書卷二百二十五上

列傳第一百五十上 逆臣上

安祿山

慶緒 高尙 孫孝哲

史思明 朝義

唐書卷二百二十五中

列傳第一百五十中 逆臣中

李希烈

朱泚

唐書卷二百二十五下

列傳第一百五十下 逆臣下

黃巢

秦宗權

董昌

唐書釋音共二十五卷附

宋 翰 林 學 士 歐 陽 修 撰

本紀第一

高祖神堯大聖大光孝皇帝諱淵字叔德姓李氏隴西成紀人也其七世祖暹嘗晉末據秦涼以自王是為涼武昭王暹生歆歆為沮渠蒙遜所滅歆生重耳魏弘農太守重耳生熙金門鎮將戍于武川因留家焉熙生天賜為幢主天賜生虎西魏時賜姓大野氏官至太尉與李弼等八人佐周代魏有功皆為柱國號八柱國家周閔帝受魏禪虎已卒乃追錄其功封唐國公諡曰襄襄公生昉襲封唐公隋安州總管柱國大將軍卒諡曰仁仁公生高祖於長安體有三乳性寬仁襲封唐公隋文帝獨孤皇后高祖之從母也以故文帝與高祖相親愛文帝相周復高祖姓李氏以為千牛備身事隋譙隴二州刺史大業中歷岐州刺史滎陽樓煩二郡太守召為殿內少監衛尉少卿煬帝征遼東遣高祖督運糧於懷遠鎮楊玄感將反其兄弟從征遼者皆逃歸高祖先覺以聞煬帝遽班師以高祖為弘化留守以禦玄感詔關右諸郡兵皆受高祖節度是時隋政荒天下大亂煬帝多以猜忌殺戮大臣嘗以事召高祖高祖避疾不時謁高祖有甥王氏在後宮煬帝問之王氏對以疾煬帝曰可得死否高祖聞之益懼因縱酒納賂以自晦十一年拜



山西河東慰撫大使擊龍門賊母端兒射七十發皆中賊敗去而斂其尸以築京觀盡得其箭於其尸又擊絳州賊柴保昌降其眾數萬人突厥犯塞高祖與馬邑太守王仁恭擊之隋兵少不敵高祖選精騎二千爲遊軍居處飲食隨水草如突厥而射獵馳騁示以閒暇別選善射者伏爲奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒於西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文靜謀舉大事計已決而高祖未之知欲以情告懼不見聽高祖留守太原領晉陽宮監而所善客裴寂爲副監世民陰與寂謀寂因選晉陽宮人私侍高祖高祖過寂飲酒酒酣從容寂具以大事告之高祖大驚寂曰正爲宮人奉公事發當誅爲此爾世民因亦入白其事高祖初陽不許欲執世民送官已而許之曰吾愛汝豈忍告汝邪然未有以發而所在盜賊益多突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已是時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王邵江海據岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起恆定號漫天王汪華起新安杜伏威起淮南皆號吳王李密起鞏號魏公王德仁起鄴號大左才相起齊郡號博山公羅藝據幽州左難當據涇陽盜據高羅皆號總管梁師都據朔方號大丞相孟海公據曹州號錄事周文舉據淮陽號柳葉軍高開道據北平張長慈據五原周洮據上洛楊士林據山南徐圓朗據兗州楊仲達據豫州張善相據伊汝王要漢據汴州時德叡據尉氏李義滿據平陵慕容順據青萊瀘于難據文登徐師順據任城蔣弘度據東海王薄據齊郡蔣善合據鄆州田留安據章丘張青特據濟北臧君相據海州殷恭邃據舒州周法明據永安苗海潮據永嘉梅知巖據宣城鄧文進據廣州俚酋楊世略據循潮冉安昌據巴東甯長真據鬱林其別號諸盜往往屯聚山澤而劉武周攻汾陽宮高祖乃集將吏告曰今吾爲留守而賊據離宮縱賊不隸罪當死然出兵必待報今江都隔遠後期奈何將吏皆曰國家之利可專者公也高祖曰善乃募兵旬日間得衆一萬副留守虎賁郎將王威虎牙郎將高君雅見兵大集疑有變謀因禱雨晉祠以圖高祖高祖覺之乃陰爲備五月甲子高祖及威君雅視事開陽府司馬劉政會告威君雅反卽坐上執之內寅突厥犯邊高祖令軍中曰人告威君雅召突厥今其果然遂殺之以起兵遣劉文靜使突厥約連和六月己卯傳檄諸郡稱義兵開大將軍府置三軍以子建成爲隴西公左領軍大都督左軍隸焉世民爲燉煌公右領軍大都督右軍隸焉元吉爲姑臧公中軍隸焉裴寂爲長史劉文靜爲司馬石艾縣長殷開山爲掾劉政會爲屬長孫順德王長諧劉弘基竇琮爲統軍開倉庫賑窮乏七月壬子高祖杖白旗誓衆於野有

與三萬以元吉爲太原留守癸丑發太原甲寅遣將張綸徇下離石龍泉文城三郡丙辰次靈石營於賈胡堡隋虎牙郎將宋老生屯於霍邑以拒義師丙寅隋鷹揚府司馬李軌起武威號大涼王八月辛巳敗宋老生於霍邑丙戌下臨汾郡辛卯克絳郡癸巳次龍門突厥來助隋驍衛大將軍屈突通守河東絕津關壬寅馮翊賊孫華土門賊白玄度皆具舟以來逆九月戊午高祖領太尉加置僚佐以少牢祀河乃濟甲子次長春宮丙寅隴西公建成劉文靜屯永豐倉守潼關燉煌公世民自渭北徇三輔從父弟神通起兵於鄠柴氏婦高祖女也亦起兵於司竹皆與世民會郿賊巨師利李仲文盩厔賊何潘仁向善思宜君賊劉貝等皆來降因略定鄠杜壬申高祖次馮翊乙亥燉煌公世民屯阿城隴西公建成自新豐趨霸上丙子高祖自下邳以西所經隋行宮苑囿悉罷之出宮女還其家十月辛巳次長樂宮有衆二十萬隋留守衛文昇等奉代王侑守京城高祖遣使諭之不報乃圍城下令曰犯隋七廟及宗室者罪三族丙申隋羅山令蕭銑自號梁公十一月丙辰克京城命主符郎宋公弼收圖籍約法十二條殺人劫盜背軍叛者死癸亥通尊隋帝爲太上皇立代王爲皇帝大赦改元義寧甲子高祖入京師至朝堂望闕而拜隋帝授高祖假黃鉞使持節大都督內外諸軍事大丞相錄尚書事進封唐王以武德殿爲丞相府下教日令視事於虛化門十一月癸未隋帝贈唐襄公爲景王仁公爲元王夫人竇氏爲唐國妃諡曰穆以建成爲唐國世子世民爲唐國內史從封秦國公元吉爲齊國公丞相府置長史司錄以下官趙郡公孝恭徇山南甲辰雲陽令詹俊徇巴蜀二年正月丁未隋帝詔唐王劍履上殿入朝不趨贊拜不名加前後羽葆鼓吹戊午周洮降戊辰世子建成爲左元帥秦國公世民爲右元帥徇地東都二月己卯太常卿鄭元璠定樊鄧使者馬元規徇荆襄三月己酉齊國公元吉爲太原道行軍元帥乙卯世民徙封趙國公丙辰隋右屯衛將軍宇文文化及弒太上皇於江都立秦王浩爲皇帝吳興郡守沈法興據丹陽自稱江南道總管樂安人盧祖尚據光州自稱刺史戊辰隋帝進唐王位相國總百揆備九錫唐國置丞相等官立四廟四月己卯張長祚降辛巳停符班銀莖符五月乙巳隋帝命唐王冕十有二旒建天子旌旗出警入蹕甲寅王德仁降戊午隋帝遜於位以刑部尚書蕭造司農少卿裴之隱奉皇帝璽紱於唐王三讓乃受武德元年五月甲子卽皇帝位於太極殿命蕭造兼太尉告於南郊大赦改元賜百官庶人爵一級義師所過給復三年其餘給復一年改郡爲州太守爲刺史庚午太白晝見隋東都留守元文都及左武衛大將軍王世充立越王侗爲皇帝六月甲戌趙國公世民爲尚書令裴寂爲尚書右僕射知政事劉文靜爲納言隋民部尚書蕭瑀丞相府司錄參軍竇威爲內史令丙子太白晝見己卯追諡皇高祖曰宣簡公皇曾祖曰懿王皇祖曰景皇帝廟號太祖祖妣梁氏曰景烈皇后皇考曰元皇帝廟號世祖祖妣獨孤氏曰元貞皇后

妃竇氏曰穆皇后庚辰立世子建成爲皇太子封世民爲秦王元吉齊王癸未薛舉寇涇州秦王世民爲西討元帥劉文靜爲司馬太僕卿宇文明達招慰山東乙酉奉隋帝爲鄴國公詔曰近世時運遷革前代親族莫不夷絕麻數有歸實惟天命興亡之效豈伊人力前隋蔡王智積等子孫皆選用之癸巳禁言符瑞者辛丑竇威薨黃門侍郎陳叔達判納言將作大匠竇抗兼納言七月壬子劉文靜及薛舉戰於涇州敗績乙卯郭子和降庚申廢隋離宮八月壬申劉文靜除名戊寅約功臣恕死罪辛巳薛舉卒壬午李軌降甲申巖州刺史王德仁殺招慰使宇文明達以反己丑秦王世民爲西討元帥以討薛仁果庚子贈隋太常卿高穎上柱國鄴國公上柱國賀若弼杞國公司隸大夫薛道衡上開府臨河縣公刑部尚書宇文啟上開府平昌縣公左翊衛將軍董純柱國狄道公右驍衛將軍李金才上柱國申國公左光祿大夫李敏柱國觀國公諸遭隋枉殺而子孫被流者皆還之九月乙巳慮囚始置軍府癸丑改銀莖符爲銅魚符甲寅秦州總管竇軌及薛仁果戰敗績辛未宇文化及殺秦王浩自稱皇帝十月壬申朔日有食之己卯李密降壬午朱粲陷鄧州刺史呂子臧死之乙酉邵江海降己亥盜殺商州刺史泉彥宗辛丑大閱是月竇抗罷十一月竇建德敗王須拔於幽州須拔亡入於突厥乙巳涼王李軌反戊申禁獻侏儒短節小馬庫牛異獸奇禽者己酉秦王世民敗薛仁果執之癸丑行軍總管趙慈景攻蒲州隋刺史堯君素拒戰執慈景弑之秦王世民俘薛仁果以獻十一月壬申世民爲太尉丙子蒲州人殺堯君素立其將王行本辛巳鄭元璠及朱粲戰於商州敗之乙酉如周氏破丁亥至自周氏破庚子光祿卿李密反伏誅是歲高開道陷漁陽號燕王

二年正月甲子陳叔達兼納言詔自今正月五月九月不行死刑禁屠殺丙寅張善相降己巳楊士林降二月乙酉初定租庸調法令文武官終喪丙戌州置宗師一人甲午赦并浩介石四州賈胡堡以北繫囚閏月竇建德陷邢州執總管陳君賓辛丑竇建德殺宇文化及於聊城朱粲降壬寅皇太子及秦王世民襲寂巡於畿縣乙巳御史大夫段確勞朱粲於菊潭庚戌微行察風俗乙卯以穀貴禁關內屠酤左屯衛將軍何潘仁及山賊張子惠戰於司竹死之丁巳慮囚庚申驍騎將軍趙欽王斐羅及山賊戰於盤屋死之丁卯王世充陷殷州陟州刺史李育德死之三月甲戌王薄降庚辰蔣弘度徐師順降丁亥竇建德陷趙州丁酉李義滿降四月慕容順降庚子并州總管齊王元吉及劉武周戰於榆次敗績辛丑朱粲殺段確以反乙巳王世充廢越王侗自稱皇帝癸亥陷伊州執總管張善相五月庚辰涼州將安脩仁執李軌以降癸未曲赦涼甘瓜鄯肅會蘭河廓九州六月王世充殺越王侗戊戌立周公孔子廟於國子監庚子竇建德陷滄州丁未劉武周陷介州癸亥裴寂爲晉州道行軍總管離石胡劉季貞叛陷石州刺史王儉

死之七月壬申徐圓朗降八月丁酉鄴國公薨甲子竇建德陷洛州執總管袁子幹九月辛未殺戶部尚書劉文靜李子通自稱皇帝沈法興自稱梁王丁丑杜伏威降裴寂及劉武周戰於介州敗績右武衛大將軍姜寶誼死之庚辰竇建德陷相州總管呂珉死之辛巳劉武周陷并州庚寅太白晝見竇建德陷趙州執總管張志昂乙未京師地震梁師都寇延州鄜州刺史梁禮死之十月己亥羅藝降乙卯如華陰赦募士背軍者壬戌劉武周寇晉州永安王孝基及工部尚書獨孤懷恩陝州總管于筠內史侍郎唐儉討之甲子祠華山是月夏縣人呂崇茂反秦王世民討劉武周十一月丙子竇建德陷黎州執淮安王神通總管李世勣十二月丙申獵於華山永安王孝基及劉武周戰於下邳敗績壬子大風拔木

三年正月己巳獵於渭濱戊寅王行本降辛巳如蒲州癸巳至自蒲州二月丁酉京師西南地有聲庚子如華陰甲寅獨孤懷恩謀反伏誅辛酉檢校隰州總管劉師善謀反伏誅三月庚午改納言爲侍中丙申令爲中書令甲戌中書侍郎封德彝兼中書令乙酉劉季真降四月丙申祠華山壬寅至自華陰癸卯禁關內諸州屠甲寅秦王世民及宋金剛戰於雀鼠谷敗之辛酉王世充陷鄧州總管雷四郎死之壬戌秦王世民及劉武周戰於洛州敗之武周亡入於突厥克并州五月壬午秦王世民屠夏縣六月丙申赦晉隰路并四州癸卯詔隋帝及其宗室柩在江都者爲營寔置陵廟以故宮人守之丙午慮囚封子元景爲

趙王元昌魯王元亨鄴王元出宮女五百人賜東征將士有功者甲寅顯州長史田瓊殺行臺尚書令

楊士林叛附於王世充乙卯瘞州縣暴骨七月壬戌秦王世民討王世充甲戌皇太子屯於蒲州以備突厥丙戌梁師都導敗厥稽胡寇邊行軍總管段德操敗之八月庚子慮囚甲辰時德劼降九月癸酉田瓊降己丑給復陝鼎熊穀四州二年十月戊申高開道降己酉楊仲達降己未有星隕於東都十二月己酉瓜州刺史賀拔行威反

四年正月辛巳皇太子伐稽胡二月竇建德陷曹州執孟海公己丑車騎將軍董阿興反於隴州伏誅乙巳太常少卿李仲文謀反伏誅丙午慮囚丁巳赦代州總管府石嶺之北三月進封宜都郡王泰爲衛王庚申慮囚乙酉竇建德陷管州刺史郭志安死之四月壬寅齊王元吉及王世充戰於東都敗績行軍總管盧君諤死之戊申突厥寇并州執漢陽郡王瓌太常卿鄭元璿左驍騎衛大將軍長孫順德甲寅封子元方爲周王元禮鄭王元嘉宋王元則荆王元茂越王丁巳左武衛將軍王君廓敗張青特執之五月壬戌秦王世民敗竇建德於虎牢執之乙丑赦山東爲建德所誑誤者戊辰王世充降庚午周法明降六月庚寅赦河南爲王世充所誑誤者戊戌蔣善合降庚子營州人石世則執其總管晉文衍叛附於靺鞨乙卯臧君相降七月甲子秦王世民俘王世充以獻丙寅竇建德伏誅丁卯大赦給復天下一年陝鼎函虢

虞芮幽七州二年甲戌劉黑闥反於貝州辛巳戴州刺史孟噉鬼反伏誅八月丙戌朔日有食之丁亥皇太子安撫北境丁酉劉黑闥陷鄆縣魏州刺史權威貝州刺史戴元祥死之癸卯突厥寇代州執行軍總管王孝基丁未劉黑闥陷麻亭屯衛將軍王行敏死之辛亥深州人崔元遜殺其刺史裴晞叛附於劉黑闥兗州總管徐圓朗反九月盧祖尚降乙卯漕于難降甲子汪華降是秋夔州總管趙郡王孝恭率十二總管兵以討蕭銑十月己丑秦王世民爲天策上將領司徒齊王元吉爲司空庚寅劉黑闥陷瀛州執刺史盧士叡又陷觀州癸卯毛州人董燈明殺其刺史趙元愷乙巳趙郡王孝恭敗蕭銑於荊州執之閏月乙卯如稷州己未幸舊塹壬戌獵於好時乙丑獵於九壘丁卯獵於仲山戊辰獵於清水谷遂幸三原辛未如周氏陂壬申至自周氏陂十一月甲申有事於南郊庚寅李子通降丙申子通謀反伏誅壬寅劉黑闥陷定州總管李玄通死之庚戌杞州人周文舉殺其刺史王孝矩叛附於黑闥十二月乙卯黑闥陷冀州總管鞠稜死之甲子左武侯將軍李世勣及黑闥戰於宋州敗績丁卯秦王世民齊王元吉討黑闥己巳黑闥陷邢州庚午陷魏州總管潘道毅死之辛未陷業州壬申徙封元嘉爲徐王

五年正月乙酉劉黑闥陷相州刺史房晃死之丙戌殷恭懿降丁亥濟州別駕劉伯通執其刺史竇務本叛附於徐圓朗庚寅東鹽州治中王才藝殺其刺史田華叛附於劉黑闥丙申相州人殺其刺史獨孤徹以其州叛附於黑闥己酉楊世略劉元進降二月王要漢降己巳秦王世民克邢州丁丑劉黑闥陷洛水

總管羅士信死之戊寅汴州總管王要漢敗徐圓朗於杞州執周文舉三月戊戌譚州刺史李義滿殺齊州都督王薄丁未秦王世民及劉黑闥戰於洛水敗之黑闥亡入於突厥蔚州總管高開道反寇易州刺史慕容孝幹死之四月梁州野蠶成繭冉安昌降己未甯長真降戊辰釋流罪以下獲麥壬申代州總管李大恩及突厥戰死之戊寅鄧文進降五月田留安降庚寅瓜州人王幹殺賀拔行威以降乙巳賜荊州今歲田租六月辛亥劉黑闥與突厥寇山東車騎將軍元韶爲瓜州道行軍總管以備突厥癸丑吐谷渾寇洮州疊三州岷州總管李長卿敗之乙卯淮安郡王神通討徐圓朗七月甲申作弘義宮甲午淮陽郡王道玄爲河北道行軍總管討劉黑闥貝州人董該以定州叛附於黑闥丙申突厥殺劉武周於白道遷州人鄧士政反執其刺史李敬昂丁酉馮盎降八月辛亥葬隋煬帝甲寅吐谷渾寇岷州益州道行臺左僕射竇軌敗之乙卯突厥寇邊庚申皇太子出幽州道秦王世民出秦州道以禦突厥己巳吐谷渾陷洮州并州總管襄邑郡王神符及突厥戰於汾東敗之戊寅突厥陷大震關九月癸巳靈州總管楊師道敗之於三觀山丙申洪州總管宇文歆又敗之於崇岡壬寅定州總管雙士洛驃騎將軍魏道仁又敗之於恆山之陽丙午領軍將軍安興貴又敗之於甘州劉黑闥陷瀛州刺史馬匡武死之東鹽州人馬君德以

其州叛附於黑闥十月己酉齊王元吉討黑闥癸丑貝州刺史許善護及黑闥戰於鄆縣死之甲寅觀州刺史劉君會叛附於黑闥乙丑淮陽郡王道玄及黑闥戰於下博死之己巳林士弘降十一月庚辰劉黑闥陷滄州甲申皇太子討黑闥丙申如宜州癸卯獵於富平北原十二月丙辰獵於萬壽原戊午劉黑闥陷恆州刺史王公政死之庚申至自萬壽原壬申皇太子及劉黑闥戰於魏州敗之甲戌又敗之於毛州六年正月己卯黑闥將葛德威執黑闥以降壬午雋州人王摩娑反驃騎將軍衛彥討之庚寅徐圓朗陷泗州二月劉黑闥伏誅庚戌幸溫湯壬子獵於驪山甲寅至自溫湯丙寅行軍總管李世勣敗徐圓朗執之三月苗海潮梅知巖左難當降乙巳洪州總管張善安反四月己酉吐蕃陷芳州己未以故第爲通義宮祭元皇帝元貞皇后於舊寢赦京城賜從官帛辛酉張善安陷孫州執總管王戎丁卯南州刺史龐孝泰反陷南越州壬申封子元璿爲蜀王元慶漢王癸酉裴寂爲尙書左僕射蕭瑀爲右僕射封德彝爲中書令吏部尙書楊恭仁兼中書令檢校涼州諸軍事五月庚寅吐谷渾党項寇河州刺史盧士良敗之癸卯高開道以奚寇幽州長史王說敗之六月丁卯突厥寇朔州管總高滿政敗之曲赦朔州七月丙子沙州別駕竇伏明反殺其總管賀若懷廓己亥皇太子屯於北邊秦王世民屯於并州以備突厥八月壬子淮南道行臺左僕射輔公祏反乙丑趙郡王孝恭討之九月壬辰秦王世民爲江州道行軍元帥丙申渝州人張大智反十月丙午殺廣州都督劉世讓戊申降死罪流以下原之己未如華陰張大智降庚申獵於白鹿原壬戌右虞候率杜士遠殺高滿政以朔州反丁卯突厥請和十一月壬午張善安襲殺黃州總管周法明丁亥如華陰辛卯獵於沙苑丁酉獵於伏龍原十二月壬寅朔日有食之癸卯張善安降庚戌以奉義監爲龍躍宮武功宅爲慶善宮甲寅至自華陰

七年正月庚寅鄒州人鄧同穎殺其刺史李士衡二月丁巳釋奠於國學己未漁陽部將張金樹殺高開道以降三月戊戌趙郡王孝恭敗輔公祏執之己亥孝恭殺越州都督闕陵四月庚子大赦班新律令給復江州道二年揚越一年五月丙戌作仁智宮六月辛丑如仁智宮壬戌慶州都督楊文幹反七月己巳突厥寇朔州總管秦武通敗之癸酉慶州人殺楊文幹以降甲午至自仁智宮雋州地震山崩遏江水閏月己未秦王世民齊王元吉屯於豳州以備突厥八月己巳吐谷渾寇鄯州驃騎將軍彭武傑死之戊寅突厥寇綏州刺史劉大俱敗之壬辰突厥請和丁酉裴寂使於突厥十月丁卯如慶善宮辛未獵於鄆南癸酉幸終南山丙子謁樓觀老子祠庚寅獵於圍川十二月丁卯如龍躍宮戊辰獵於高陵庚午至自高陵太子詹事裴矩檢校侍中

八年二月癸未慮囚四月甲申如鄆獵於甘谷作太和宮丙戌至自鄆六月甲子如太和宮七月丙午至

乾隆四年校刊

唐書卷一本紀

七

自太和宮丁巳秦王世民屯於蒲州以備突厥八月壬申并州行軍總管張瑾及突厥戰於太谷敗績鄆州都督張德政死之執行軍長史溫彥博甲申任城郡王道宗及突厥戰於靈州敗之丁亥突厥請和十月辛巳如周氏陂獵於北原壬午如龍躍宮十一月辛卯如宜州獵於西原裴矩罷庚子講武於同官天策府司馬宇文士及權檢校侍中辛丑徙封元璠爲吳王元慶陳王癸卯秦王世民爲中書令齊王元吉爲侍中癸丑獵於華池北原十二月辛酉至自華池庚辰獵於鳴犢泉辛巳至自鳴犢泉

九年正月甲寅裴寂爲司空二月庚申齊王元吉爲司徒壬午有星孛於胃昴丁亥孛於卷舌三月庚寅幸昆明池習水戰壬辰至自昆明池丙午如周氏陂乙卯至自周氏陂丁巳突厥寇涼州都督長樂郡王幼良敗之四月辛巳廢浮屠老子法六月丁巳太白經天庚申秦王世民殺皇太子建成齊王元吉大赦復浮屠老子法癸亥立秦王世民爲皇太子聽政賜爲父後者襲勳爵赤牒官得爲真免民道租宿賦己卯太白晝見庚辰幽州都督盧江郡王瑗反伏誅癸未赦幽州管內爲瑗所誣誤者七月辛卯楊恭仁罷太子右庶子高士廉爲侍中左庶子房玄齡爲中書令蕭瑀爲尚書左僕射癸巳宇文士及爲中書令封德彝爲尚書左僕射辛亥太白晝見八月丙辰突厥請和丁巳太白晝見壬戌吐谷渾請和甲子皇太子卽皇帝位貞觀二年太上皇徙居大安宮九年五月崩於垂拱前殿年七十一諡曰大武

廟號高祖上元元年改諡神堯皇帝天寶八載諡神堯大聖皇帝十三載增諡神堯大聖大光孝皇帝

贊曰自古受命之君非有德不王自夏后氏以來始傳以世而有賢有不肖故其爲世數亦或短或長論者乃謂周自后稷至於文武積功累仁其來也遠故其爲世尤長然考於世本夏商周皆出於黃帝夏自鯀以前商自契至於成湯其間寂寥無聞與周之興異矣而漢亦起於亭長叛亡之徒及其興也有天下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者何如而其後世或寢以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑藉扶持而能承其天命歟

高祖紀元吉為姑臧公中軍隸焉○舊書無此句當以新書為正

武德二年閏月辛丑竇建德殺宇文化及於聊城○舊書在二月丁丑

五年正月丙申相州人殺其刺史獨孤徹以其州叛附於黑闥○臣酉按上文乙酉劉黑闥已陷相州矣

此州名疑有誤

六年二月丙寅李世勣敗徐圓朗執之○臣酉按圓朗傳云夜亡為野人所殺今云執之似誤

四月封子元璿為蜀王○臣酉按高祖諸王傳漢王元軌是年封蜀王元璿當作元軌

九年四月辛巳○舊書作五月沈炳震曰按六月丁巳朔則五月不應有辛巳當從新書

年七十一○舊書作七十沈炳震曰自周天和元年丙戌至貞觀九年乙未止七十當從舊書

宋 翰 林 學 士 歐 陽 修 撰

本紀第一

太宗文武大聖大廣孝皇帝諱世民高祖次子也母曰太穆皇后竇氏生而不驚方四歲有書生謁高祖曰公在相法貴人也然必有貴子及見太宗曰龍鳳之姿天日之表其年幾冠必能濟世安民書生已辭去高祖懼其語泄使人追殺之而不知其所往因以為神乃採其語名之曰世民大業中突厥圍帝廡門煬帝從圍中以木繫詔書投汾水而下募兵赴援太宗時年十六往應募隸將軍雲定興謂定興曰虜敢圍吾天子者以為無援故也今宜先後吾軍為數十里使其晝見旌旗夜聞鉦鼓以為大至則可不擊而走之不然知我虛實則勝敗未可知也定興從之軍至崞縣突厥候騎見其軍來不絕果馳告始畢可汗曰救兵大至矣遂引去高祖擊歷山飛陷其圍中太宗馳輕騎取之而出遂奮擊大破之太宗為人聰明英武有大志而能屈節下士時天下已亂盜賊起知隋必亡乃推財養士結納豪傑長孫順德劉弘基等皆因事亡命匿之又與晉陽令劉文靜尤善文靜坐李密事繫獄太宗夜就獄中見之與圖大事時百姓避賊多入城城中幾萬人文靜為令久知其豪傑因共部署計已定乃因裴寂告高祖高祖初不許已

乾隆四年校刊

唐書卷一本紀

而許之高祖已起兵建大將軍府太宗率兵徇西河斬其郡丞高德儒拜右領軍大都督封燉煌郡公唐兵西將至霍邑會天久雨糧且盡高祖謀欲還兵太原太宗諫曰義師爲天下起也宜直入咸陽號令天下今還守一城是爲賊爾高祖不納太宗哭於軍門高祖驚召問之對曰還則衆散於前而敵乘於後死亡須臾所以悲爾高祖寤曰起事者汝也成敗惟汝時左軍已先返卽與隴西公建成分追之夜半太宗失道入山谷棄其馬步而其兵與俱還高祖乃將而前遲明至霍邑宋老生不出太宗從數騎傳其城舉鞭指磨若將圍之者老生怒出背城陣高祖率建成居其東太宗及柴紹居其南老生兵薄東陣建成墜馬老生乘之高祖軍却太宗自南原馳下坂分兵斷其軍爲二而出其陣後老生兵敗走遂斬之進次涇陽擊胡賊劉鷄子破之唐兵攻長安太宗屯金城坊攻其西北遂克之義寧元年爲光祿大夫唐國內史徙封秦國公食邑萬戶薛舉攻扶風太宗擊敗之斬首萬餘級遂略地至隴右二年爲右元帥徙封趙國公率兵十萬攻東都不克而還設三伏於三王陵敗隋將段達兵萬人武德元年爲尚書令右翊衛大將軍進封秦王薛舉寇涇州太宗爲西討元帥進位雍州牧七月太宗有疾諸將爲舉所敗八月太宗疾間復屯於高墪城相持六十餘日已而舉死其子仁果率其衆求戰太宗按軍不動久之仁果糧盡衆稍離叛太宗曰可矣乃遣行軍總管梁實柵淺水原仁果將宗羅喉擊實太宗遣將軍龐玉救實玉軍幾敗

太宗率兵出其後羅喉敗走太宗追之至其城下仁果乃出降師還高祖遣李密馳傳勞之於國州密見

太宗不敢仰視退而歎曰真英主也獻捷太廟拜右武侯大將軍太尉使持節陝東道大行臺尚書令詔蒲陝河北諸總管兵皆受其節度二年正月鎮長春宮進拜左武侯大將軍涼州總管是時劉武周據并州宋金剛陷滄州王行本據蒲州而夏縣人呂崇茂殺縣令以應武周高祖懼詔諸將棄河東以守關中太宗以爲不可棄願得兵三萬可以破賊高祖於是悉發關中兵益之十一月出龍門關屯於柏壁三年四月擊敗宋金剛於柏壁金剛走介州太宗追之一日夜馳二百里宿於雀鼠谷之西原軍士皆饑太宗不食者二日行至浩州乃得食而金剛將尉遲敬德尋相等皆來降劉武周懼奔於突厥其將楊伏念舉并州降高祖遣蕭瑀卽軍中拜太宗益州道行臺尚書令七月討王世充敗之於北邙四年二月竇建德率兵十萬以援世充太宗敗建德於虎牢執之世充乃降六月凱旋太宗被金甲陳鐵騎一萬介士三萬前後鼓吹獻俘於太廟高祖以謂太宗功高古官號不足以稱乃加號天策上將領司徒陝東道大行臺尚書令位在王公上增邑戶至三萬賜袞冕金輅雙壁黃金六千斤前後鼓吹九部之樂班劍四十人五年正月討劉黑闥於洛州敗之黑闥旣降已而復反高祖怒命太子建成取山東男子十五以上悉阬之毆其小弱婦女以實關中太宗切諫以爲不可遂已加拜左右十二衛大將軍七年突厥寇邊太宗與遇

於幽州從百騎與其可汗語乃盟而去八年進位中書令初高祖起太原非其本意而事出太宗及取天下破宋金剛王世充竇建德等太宗功益高而高祖屢許以爲太子太子建成懼廢與齊王元吉謀害太宗未發九年六月太宗以兵入玄武門殺太子建成及齊王元吉高祖大驚乃以太宗爲皇太子八月甲子卽皇帝位於東宮顯德殿遣裴寂告於南郊大赦武德流人還之賜文武官勳爵免關內及蒲芮虞秦陝鼎六州二歲租給復天下一年民八十以上賜粟帛百歲加版授廢潼關以東瀕河諸關癸酉放宮女三千餘人丙子立妃長孫氏爲皇后癸未突厥寇便橋乙酉及突厥頡利盟於便橋九月壬子禁私家妖神淫祀占卜非龜易五兆者十月丙辰朔日有食之癸亥立中山郡王承乾爲皇太子庚辰蕭瑀陳叔達罷十一月庚寅降宗室郡王非有功者爵爲縣公十二月癸酉慮囚是歲進封子長沙郡王恪爲漢王宜陽郡王祐楚王

貞觀元年正月乙酉改元辛丑燕郡王李藝反於涇州伏誅二月丁巳詔民男二十女十五以上無夫家者州縣以禮聘娶貧不能自行者鄉里富人及親戚資送之鰥夫六十寡婦五十婦人有子若守節者勿疆三月癸巳皇后親蠶丙午詔齊僕射崔季舒黃門侍郎郭遵尚書右丞封孝琰以極言蒙難季舒子剛遵子雲孝琰子君遵並及淫刑宜免內侍慶敘以官閏月癸丑朔日有食之四月癸巳涼州都督長樂郡王幼良有罪伏誅五月癸丑朔中書令侍中朝堂受訟辭有陳事者悉上封六月辛丑封德彝薨甲辰太子少師蕭瑀爲尚書左僕射是夏山東早免今歲租七月壬子吏部尚書長孫無忌爲尚書右僕射八月河南龐右邊州霜字文士及檢校涼州都督戊戌貶高士廉爲安州大都督九月庚戌朔日有食之辛酉遣使諸州行損田賑問下戶御史大夫杜淹檢校吏部尚書參議朝政字文士及罷辛未幽州都督王君廓奔於突厥十月丁酉以歲饑減膳十一月己未許子弟年十九以下隨父兄之官所十二月壬午蕭瑀罷戊申利州都督李孝常右武衛將軍劉德裕謀反伏誅

二年正月辛亥長孫無忌罷兵部尚書杜如晦檢校侍中總監東宮兵馬事癸丑吐谷渾寇岷州都督李道彥敗之丁巳徙封恪爲蜀王泰越王祐燕王庚午刑部尚書李靖檢校中書令二月戊戌外官上考者給祿三月戊申朔日有食之壬子命中書門下五品以上及尚書議決死罪壬戌李靖爲關內道行軍大總管以備薛延陀己巳遣使巡關內出金寶贖饑民鬻子者還之庚午以旱蝗責躬大赦癸酉兩四月己卯瘞隋人暴骸壬寅朔方人梁洛仁殺梁師都以降六月甲申詔出使官稟食其家庚寅以子治生賜是日生子者粟辛卯辰州刺史裴虔通以弑隋煬帝削爵流驩州七月戊申萊州刺史牛方裕絳州刺史薛世良廣州長史唐奉義虎牙郎將高元禮以宇文化及之黨皆除名徙於邊八月甲戌省冤獄於朝堂辛

丑立二王後廟置國官九月壬子以有年賜酺三日月十月庚辰杜淹薨戊子殺瀛州刺史盧祖尚十一月辛酉有事於南郊十二月壬辰黃門侍郎王珪守侍中癸巳禁五品以上過市

三年正月丙午以旱避正殿癸丑官得上下考者給祿一年戊午享於太廟癸亥耕籍田辛未裴寂罷二

月戊寅房玄齡為尚書左僕射杜如晦為右僕射尚書右丞魏徵為祕書監參預朝政三月己酉慮囚四

月乙亥太上皇徙居於大安宮甲午始御太極殿戊戌賜孝義之家粟五斛八十以上二斛九十以上三

斛百歲加絹二匹婦人正月以來產子者粟一斗五月乙丑周王元方薨六月戊寅以旱慮囚己卯大風

拔木壬午詔文武官言事八月己巳朔日有食之丁亥李靖為定襄道行軍大總管以伐突厥九月丁巳

華州刺史柴紹為勝州道行軍總管以伐突厥十一月庚申并州都督李世勣為通漠道行軍總管華州

刺史柴紹為金河道行軍總管任城郡王道宗為大同道行軍總管幽州都督衛孝節為恆安道行軍總

管營州都督薛萬淑為暢武道行軍總管以伐突厥十二月癸未杜如晦罷閏月癸丑為死兵者立浮屠

祠辛酉慮囚是歲中國人歸自塞外及開四夷為州縣者百二十餘萬人

四年正月丁卯朔日有食之癸巳武德殿北院火二月己亥幸温湯甲辰李靖及突厥戰於陰山敗之丙

午至自温湯甲寅大赦賜酺五日御史大夫温彥博為中書令王珪為侍中民部尚書戴胄檢校吏部尚

書通鑑卷一百一十四 頡利可汗以獻四月戊戌西北君長請上號為天可汗六月乙卯發卒治洛陽宮七月甲子朔日有食之

癸酉蕭瑀罷甲戌太上皇不豫廢朝辛卯疾愈賜都督刺史文武官及民年八十以上孝子表門閭者有

差八月甲寅李靖為尚書右僕射九月庚午瘞長城南隋人暴骨己卯如隴州壬午禁芻牧於古明君賢

臣烈士之墓者十月壬辰赦岐隴二州免今歲租賦降咸陽始平武功死罪以下辛卯獵於貴泉谷甲辰

獵於魚龍川獻獲於大安宮乙卯免武功今歲租賦十一月壬戌右衛大將軍侯君集為兵部尚書參議

朝政甲子至自隴州戊寅除鞭背刑十二月甲辰獵於鹿苑乙巳至自鹿苑是歲天下斷死罪者二十九

人

五年正月癸酉獵於昆明池丙子至自昆明池獻獲於大安宮二月己酉封弟元裕為鄜王元名譙王靈

夔魏王元祥許王元曉密王庚戌封子愔為梁王貞漢王暉鄭王治晉王慎申王囂江王簡代王四月壬

辰代王簡薨五月乙丑以金帛購隋人沒於突厥者以還其家八月甲辰遣使高麗祭隋人戰亡者戊申

殺大理丞張蘊古十一月丙子有事於南郊十二月丁亥詔決死刑京師五覆奏諸州三覆奏其日尚食

毋進酒肉壬寅幸温湯癸卯獵於驪山賜新豐高年帛戊申至自温湯癸丑赦關內

六年正月乙卯朔日有食之癸酉靜州山獠反右武衛將軍李子和敗之三月侯君集罷戊辰如九成宮
丁丑降雍岐豳三州死罪以下賜民八十以上粟帛五月魏徵檢校侍中六月己亥鄴王元亨薨辛亥江
王暹薨七月己巳詔天下行鄉飲酒九月己酉幸慶善宮十月侯君集起復乙卯至自慶善宮十二月辛
未慮囚縱死罪者歸其家是歲諸羌內屬者三十萬人

七年正月戊子斥字文化及黨人之子孫勿齒辛丑賜京城醮三日二月丁卯兩土三月戊子王珪罷庚
寅魏徵爲侍中五月癸未如九成宮六月辛亥戴胄薨八月辛未東西洞獠寇邊右屯衛大將軍張士貴
爲龔州道行軍總管以討之九月縱囚來歸皆赦之十月庚申至自九成宮乙丑京師地震十一月壬辰
開府儀同三司長孫無忌爲司空十二月甲寅幸芙蓉園丙辰獵於少陵原戊午至自少陵原

八年正月辛丑張士貴及獠戰敗之壬寅遣使循省天下二月乙巳皇太子加元服丙午降死罪以下賜
五品以上子爲父後者爵一級民醮三日三月庚辰如九成宮五月辛未朔日有食之是夏吐谷渾寇涼
州左驍衛大將軍段志玄爲西海道行軍總管左驍衛將軍樊興爲赤水道行軍總管以伐之七月隴右
山崩八月甲子有星孛於虛危十月作永安宮甲子至自九成宮十一月辛未李靖罷己丑吐谷渾寇涼
州執行人鴻臚丞趙德楷十二月辛丑特進李靖爲西海道行軍大總管侯君集爲積石道行軍總管任

城郡王道宗爲鄯善道行軍總管東郡公道彥爲赤水道行軍總管涼州都督李大亮爲且末道行軍

總管利州刺史高甗生爲鹽澤道行軍總管以伐吐谷渾丁卯從太上皇闕武於城西

九年正月党項羌叛二月長孫無忌罷三月庚辰洮州羌殺刺史孔長秀附於吐谷渾壬午大赦乙酉高
甗生及羌人戰敗之閏四月丙寅朔日有食之五月長孫無忌起復庚子太上皇崩皇太子聽政壬子李
靖及吐谷渾戰敗之七月庚子鹽澤道行軍副總管劉德敏及羌人戰敗之十月庚寅葬太武皇帝於獻
陵十一月壬戌特進蕭瑀參豫朝政

十年正月甲午復聽政癸丑徙封元景爲荆王元昌漢王元禮徐王元嘉韓王元則彭王元懿鄴王元軌
霍王元鳳虢王元慶道王靈夔燕王恪吳王泰魏王祐齊王惛蜀王惲蔣王貞越王慎紀王三月癸丑出
諸王爲都督六月壬申溫彥博爲尚書右僕射太常卿楊師道爲侍中魏徵罷爲特進知門下省事參議
朝章國典己卯皇后崩十一月庚寅葬文德皇后於昭陵十二月蕭瑀罷庚辰慮囚

十一年正月丁亥徙封元裕爲鄧王元名舒王庚子作飛仙宮乙卯免雍州今歲租賦二月丁巳營九峻
山爲陵賜功臣密戚陪塋地及祕器甲子如洛陽宮乙丑給民百歲以上侍五人壬午獵於鹿臺嶺三月
丙戌朔日有食之癸卯降洛州囚見徒免一歲租調辛亥獵於廣成澤癸丑如洛陽宮六月甲寅溫彥博

薨丁巳幸明德宮己未以諸王爲世封刺史戊辰以功臣爲世封刺史己巳徙封元祥爲江王七月癸未大雨水穀洛溢乙未詔百官言事壬寅廢明德宮之玄圃院賜遭水家丙午給亳州老子廟兗州孔子廟戶各二十以奉享復涼武昭王近墓戶二十以守衛九月丁亥河溢壞陝州河北縣毀河陽中潭幸白司馬坂觀之賜瀕河遭水家粟帛十月癸丑賜先朝謀臣武將及親戚亡者塋陪獻陵十一月辛卯如懷州乙未獵於濟源麥山丙午如洛陽宮

十二年正月乙未叢州地震癸卯松州地震二月癸亥如河北縣觀底柱甲子巫州獠反夔州都督齊善行敗之乙丑如陝州丁卯觀鹽池庚午如蒲州甲戌如長春宮免朝邑今歲租賦降囚罪乙亥獵於河濱閏月庚辰朔日有食之丙戌至自長春宮七月癸酉吏部尙書高士廉爲尙書右僕射八月壬寅吐蕃寇松州侯君集爲當彌道行軍大總管率三總管兵以伐之九月辛亥關水道行軍總管牛進達及吐蕃戰於松州敗之十月己卯獵於始平賜高年粟帛乙未至自始平鈞州山獠反桂州都督張寶德敗之十一月己巳明州山獠反交州都督李道彥敗之十二月辛巳壁州山獠反右武侯將軍上官懷仁討之是歲除蒙二州野蠶成繭

十三年正月乙巳拜獻陵赦三原及行從免縣人今歲租賦賜宿衛陵邑郎將三原令爵一級丁未至自

獻陵二月庚子停世封刺史三月乙丑有星孛於畢昴四月戊寅如九成宮甲申中郎將阿史那結社率

反伏誅壬寅雲陽石然五月甲寅以早避正殿詔五品以上言事減膳罷役理囚賑乏乃雨六月丙申封弟元嬰爲滕王八月辛未朔日有食之十月甲申至是九成宮十一月辛亥楊師道爲中書令戊辰尙書左丞劉洎爲黃門侍郎參知政事十二月壬申侯君集爲交河道行軍大總管以伐高昌乙亥封子福爲趙王壬辰獵於咸陽癸巳至自咸陽是歲滁州野蠶成繭

十四年正月庚子有司讀時令甲寅幸魏王泰第赦雍州長安縣免延康里今歲租賦二月丁丑觀蠶莫於國學赦大理萬年縣賜學官高第生帛壬午幸溫湯辛卯至自溫湯乙未求梁皇偏褚仲都周熊安生沈重陳沈文阿周弘正張譏隋何妥劉焯劉炫之後三月羅賈二州獠反廣州總管党仁弘敗之五月壬寅徙封靈夔爲魯王六月滁州野蠶成繭乙酉大風拔木八月庚午作襄城宮癸酉侯君集克高昌九月癸卯赦高昌部及士卒父子犯死葦犯流大功犯徒小功總麻犯杖皆原之閏十月乙未如同州甲辰獵於堯山庚戌至自同州十一月甲子有事於南郊十二月丁酉侯君集俘高昌王以獻賜醮三日癸卯獵於樊川乙巳至自樊川

十五年正月辛巳如洛陽宮次溫湯衛士崔卿刁文懿謀反伏誅三月戊辰如襄城宮四月辛卯詔以來

歲二月有事於泰山乙未免洛州今歲租還戶故給復者加給一年賜民八十以上物博獨鰥寡疾病不能自存者米二斛慮囚六月己酉有星孛於太微丙辰停封泰山避正殿減膳七月丙寅宥周隋名臣及忠烈子孫貞觀以後流配者十月辛卯獵於伊闕壬辰如洛陽宮十一月癸酉薛延陀寇邊兵部尚書李世勣為朔州道行軍總管右衛大將軍李大亮為靈州道行軍總管涼州都督李襲譽為涼州道行軍總管以伐之十二月戊子至自洛陽宮庚子命三品以上嫡子事東宮辛丑慮囚甲辰李世勣及薛延陀戰於諾真水敗之乙巳贈戰亡將士官三轉

十六年正月乙丑遣使安撫西州戊辰募戍西州者前犯流死亡匿聽自首以應募辛未徙天下死罪囚實西州中書舍人岑文本為中書侍郎專典機密六月戊戌太白晝見七月戊午長孫無忌為司徒房玄齡為司空十一月丙辰獵於武功壬戌獵於岐山之陽甲子賜所過六縣高年孤疾餼粟帛遂幸慶善宮庚午至自慶善宮十二月癸卯幸溫湯甲辰獵於驪山乙巳至自溫湯

十七年正月戊辰魏徵薨代州都督劉蘭謀反伏誅二月己亥慮囚戊申圖功臣於凌煙閣三月壬子禁送終違令式者丙辰齊王祐反李世勣討之甲子以早遣使覆囚決獄乙丑齊王祐伏誅給復齊州一年四月乙酉廢皇太子為庶人漢王元昌侯君集等伏誅丙戌立晉王治為皇太子大赦賜文武官及五品

以上子孫受爵者一級民八十以上粟帛三日丁亥檢校道羅己丑特進羅珣為太子太保李世勣為太子詹事同中書門下三品庚寅謝承乾之過於太廟癸巳降封魏王泰為東萊郡王六月己卯朔日有食之壬辰葬隋恭帝甲午以早避正殿減膳詔京官五品以上言事丁酉高士廉同中書門下三品平章政事閏月丁巳詔皇太子典左右屯營兵丙子徙封泰為順陽郡王七月丁酉房玄齡罷八月庚戌工部尚書張亮為刑部尚書參豫朝政十月丁未建諸州邸於京城丁巳房玄齡起復十一月己卯有事於南郊壬午賜酺三日以涼州獲瑞石赦涼州十二月庚申幸溫湯庚午至自溫湯

十八年正月乙未如鍾官城庚子如鄆壬寅幸溫湯二月己酉如零口乙卯至自零口丁巳給復突厥高昌部人隸諸州者二年四月辛亥如九成宮七月甲午營州都督張儉率幽營兵及契丹奚以伐高麗八月壬子安西都護郭孝恪為西州道行軍總管以伐焉耆甲子至自九成宮丁卯劉洎為侍中岑文本為中書令中書侍郎馬周守中書令九月黃門侍郎褚遂良參豫朝政辛卯郭孝恪及焉耆戰敗之十月辛丑朔日有食之癸卯宴雍州父老於上林苑賜粟帛甲寅如洛陽宮己巳獵於天池十一月戊寅慮囚庚辰遣使巡問鄭汝懷濞四州高年宴賜之甲午張亮為平壤道行軍大總管李世勣馬周為遼東道行軍大總管率十六總管兵以伐高麗十二月壬寅庶人承乾卒戊午李思摩部落叛

十九年二月庚戌如洛陽宮以伐高麗癸丑射虎於武德北山乙卯皇太子監國於定州丁巳賜所過高年饒寡粟帛贈比干太師諡忠烈三月壬辰長孫無忌攝侍中吏部尚書楊師道攝中書令四月癸卯誓師於幽州大饗軍丁未岑文本薨癸亥李世勣克蓋牟城五月己巳平壤道行軍總管程名振克沙卑城庚午次遼澤瘞隋人戰亡者乙亥遼東道行軍總管張君乂有罪伏誅丁丑軍至馬首山甲申克遼東城六月丁酉克白巖城己未大敗高麗於安市城東南山左武衛將軍王君愕死之辛酉賜醮三日七月壬申葬死事官加爵四級以一子襲九月癸未班師十月丙午次營州以太牢祭死事者丙辰皇太子迎謁於臨渝關戊午次漢武臺刻石紀功十一月癸酉大饗軍於幽州庚辰次易州癸未平壤道行軍總管張文幹有罪伏誅丙戌次定州丁亥貶楊師道爲工部尚書十二月戊申次并州己未薛延陀寇夏州左軍大將軍執失思力敗之庚申殺劉洎

二十年正月辛未夏州都督喬師望及薛延陀戰敗之丁丑遣使二十二人以六條黜陟於天下庚辰赦并州起義時編戶給復三年後附者一年二月甲午從伐高麗無功者皆賜勳一轉庚申賜所過高年饒寡粟三月己巳至自高麗庚午不豫皇太子聽政己丑張亮謀反伏誅閏月癸巳朔日有食之六月乙亥江夏郡王道宗李世勣伐薛延陀七月辛亥疾愈李世勣及薛延陀戰敗之八月甲子封孫忠爲陳王己

辛卯遣使巡察嶺南甲辰鐵勒諸部請上號爲可汗辛亥靈州地震十月貶蕭瑀爲商州刺史丙戌至自靈州十一月己丑詔祭祀表疏潘客兵馬宿衛行魚契給驛授五品以上官及除解決死罪皆以聞餘委皇太子

二十一年正月壬辰高士廉薨丁酉詔以來歲二月有事於泰山甲寅以鐵勒諸部爲州縣賜京師醮三日慮囚降死罪以下二月丁丑皇太子釋菜於太學三月戊子左武衛大將軍牛進達爲青丘道行軍大總管李世勣爲遼東道行軍大總管率三總管兵以伐高麗四月乙丑作翠微宮五月戊子幸翠微宮壬辰命百司決事於皇太子庚戌李世勣克南蘇木底城六月丁丑遣使鐵勒諸部購中國人陷沒者七月乙未牛進達克石城丙申作玉華宮庚戌至自翠微宮八月泉州海溢壬戌停封泰山九月丁酉封子明爲曹王十月癸丑褚遂良罷十一月癸卯進封秦爲濮王十二月戊寅左驍衛大將軍契苾何力爲寬丘道行軍大總管率三總管兵以伐龜茲

二十二年正月庚寅馬周薨戊戌幸溫湯己亥中書舍人崔仁師爲中書侍郎參知機務丙午左武衛大將軍薛萬徹爲青丘道行軍大總管以伐高麗長孫無忌檢校中書令知尚書門下省事戊申至自溫湯

二月褚遂良起復乙卯見京城父老勞之蠲今歲半租畿縣三之一丁卯詔度遼水有功未酬勳而犯罪者與成官同乙亥幸玉華宮己卯獵於華原流崔仁師於連州三月丁亥赦宜君給復縣人自玉華宮苑中遷者三年四月丁巳松州蠻叛右武侯將軍梁建方敗之六月丙寅張行成存問河北從軍者家令州縣爲營農丙子薛萬徹及高麗戰於泊灼城敗之七月甲申太白晝見壬辰殺華州刺史李君羨癸卯房玄齡薨八月己酉朔日有食之辛未執失思力伐薛延陀餘部於金山九月庚辰崑崙道行軍總管阿史那社尒及薛延陀餘部處月處蜜戰敗之己亥褚遂良爲中書令壬寅眉邛雅三州獠反茂州都督張士貴討之十月癸丑至自玉華宮己巳阿史那社尒及龜茲戰敗之十二月辛未降長安萬年徒罪以下閏月癸巳慮囚

二十三年正月辛亥阿史那社尒俘龜茲王以獻三月己未自冬旱至是雨辛酉大赦丁卯不豫命皇太子聽政於金液門四月己亥幸翠微宮五月戊午貶李世勣爲疊州都督己巳皇帝崩于含風殿年五十三庚午奉大行御馬輿還京師禮部尙書于志寧爲侍中太子少詹事張行成兼侍中高季輔兼中書令壬申發喪諡曰文上元元年改諡文武聖皇帝天寶八載諡文武大聖皇帝十三載增諡文武大聖大廣

學皇帝

贊曰甚矣至治之君不世出也禹有天下傳十有大王而少康有中興之業湯有天下傳二十八王而其甚盛者號稱三宗武王有天下傳三十六王而成康之治與宣之功其餘無所稱焉雖詩書所載時有闕略然三代千有七百餘年傳七十餘君其卓然著見於後世者此六七君而已嗚呼可謂難得也唐有天下傳世二十其可稱者三君主宗憲宗皆不克其終盛哉太宗之烈也其除隋之亂比迹湯武致治之美庶幾成康自古功德兼隆由漢以來未之有也至其率於多愛復立浮圖好大喜功勤兵於遠此中材庸主之所常爲然春秋之法常責備於賢者是以後世君子之欲成人之美者莫不歎息於斯焉

太宗紀年五十三〇舊書作五十二臣酉按太宗生于隋開皇十八年戊午至是年己酉乃五十二當從舊書

宋 翰 林 學 士 歐 陽 修 撰

本紀第三

高宗天皇大聖大弘孝皇帝諱治字為善太宗第九子也母曰文德皇后長孫氏始封晉王貞觀七年遙
 領并州都督十七年太子承乾廢而魏王泰次當立亦以罪黜乃立子治為皇太子太宗嘗命皇太子遊
 觀習射太子辭以非所好願得奉至尊居膝下太宗大喜乃營寢殿側為別院使太子居之太宗每視朝
 皇太子常侍觀決庶政二十三年太宗有疾詔皇太子聽政於金液門四月從幸翠微宮太宗崩以羽檄
 發六府甲士四千衛皇太子入于京師六月甲戌即皇帝位于柩前大赦賜文武官勳一轉民八十以上
 粟帛給復雍州及比歲供軍所一年癸未長孫無忌為太尉癸巳檢校洛州刺史李勣為開府儀同三司
 參掌機密八月癸酉河東地震乙亥又震庚辰遣使存問河東給復二年賜壓死者人絹三匹庚寅葬文
 皇帝于昭陵九月甲寅荆王元景為司徒吳王恪為司空乙卯李勣為尚書左僕射同中書門下三品十
 一月乙丑晉州地震左翊衛郎將高倫伐突厥是冬無雪

永徽元年正月辛丑改元丙午立妣王氏為皇后張行成為侍中二月辛卯封子孝為許王上金柜王素

節雍王四月己巳晉州地震五月己未太白晝見六月高俛及突厥戰于金山敗之庚辰晉州地震詔五品以上言事七月辛酉以旱慮囚八月戊辰給五品以上解官充侍者半祿加賜帛庚午降死罪以下九月癸卯高俛俘突厥車鼻可汗以獻十月戊辰李勣罷左僕射十一月己未貶褚遂良為同州刺史十二月庚午瑒州獠寇邊梓州都督謝萬歲死之

二年正月戊戌開義倉以賑民乙巳黃門侍郎宇文節中書侍郎柳爽同中書門下三品乙卯瑒池都督阿史那賀魯叛四月乙丑命有司毋進肉食訖于五月七月丁未賀魯寇庭州左武衛大將軍梁建方右驍衛大將軍契苾何力為弓月道行軍總管以伐之八月己巳高季輔為侍中于志寧為尚書左僕射張行成為右僕射同中書門下三品己卯白水蠻寇邊左領軍將軍趙孝祖為郎州道行軍總管以伐之九月癸卯以同州苦泉牧地賜貧民十月辛卯晉州地震十一月辛酉有事于南郊癸酉禁進犬馬鷹鵠戊寅忻州地震甲申雨水冰是月寶州義州蠻寇邊桂州都督劉伯英敗之趙孝祖及白水蠻戰于羅仵候山敗之十二月乙未太白晝見壬子處月朱邪孤注殺招慰使單道惠叛附于賀魯是冬無雪

三年正月癸亥梁建方及處月戰于牢山敗之甲子以早避正殿減膳降囚罪徒以下原之己巳褚遂良為吏部尚書同中書門下三品丙子享于太廟丁亥耕籍田三月辛巳兩土字文節為侍中柳爽守中書

命四月庚寅趙孝祖及白水蠻戰敗之甲午彭王元則薨是月兵部侍郎韓瑗為黃門侍郎同中書門下

三品五月庚申求齊侍中崔季舒給事黃門侍郎裴澤隋儀同三司豆盧毓御史中丞游楚客子孫官之七月丁巳立陳王忠為皇太子大赦賜五品以上子為交後者勳一轉民醮三日九月丙辰求周司沐大夫裴融尚書左丞封孝瑗子孫官之是月中書侍郎來濟同中書門下三品十二月癸巳濮王泰薨

四年二月甲申駙馬都尉房遺愛薛萬徹柴令武高陽巴陵公主謀反伏誅殺荆王元景吳王恪乙酉流宇文節于桂州戊子廢蜀王愔為庶人己亥徐王元禮為司徒李勣為司空四月壬寅以旱慮囚遣使決天下獄減殿中太僕馬粟詔文武官言事甲辰避正殿減膳六月己丑太白晝見八月己亥隕石于馮翊十有八九月壬戌張行成薨甲戌褚遂良為尚書右僕射十月庚子幸溫湯甲辰赦新豐乙巳至自溫湯戊申睦州女子陳碩真反婺州刺史崔義玄討之十一月庚戌陳碩真伏誅癸丑兵部尚書崔敦禮為侍中丁巳柳爽為中書令十二月庚子高季輔薨

五年正月丙寅以旱詔文武官朝集使言事三月戊午如萬年宮乙丑次鳳泉湯辛未赦岐州及所過徒罪以下六月癸亥柳爽罷丙寅河北大水遣使慮囚八月己未詔免麟游岐陽今歲課役岐州及供頓縣半歲九月丁酉至自萬年宮十月癸卯築京師羅郭起觀于九門

六年正月壬申拜昭陵赦醴泉及行從免縣今歲租調陵所宿衛進爵一級令丞加一階癸酉以少牢祭陪葬者甲戌至自昭陵庚寅封子弘為代王賢潞王二月乙巳皇太子加元服降死罪以下賜酺三日五品以上為父後者勳一轉乙丑營州都督程名振左衛中郎將蘇定方伐高麗五月壬午及高麗戰于貴端水敗之癸未左屯衛大將軍程知節為葱山道行軍大總管以伐賀魯壬辰韓瑗為侍中來濟為中書令七月乙酉崔敦禮為中書令是月中書舍人李義府為中書侍郎參知政事九月庚午貶褚遂良為潭州都督乙酉洛水溢十月齊州黃河溢己酉廢皇后為庶人乙卯立宸妃武氏為皇后丁巳大赦賜民八十以上粟帛十一月己巳皇后見于太廟戊子停諸州貢珠癸巳詔禁吏酷法及為隱名書者是冬皇后殺王庶人

顯慶元年正月辛未廢皇太子為梁王立代王弘為皇太子壬申大赦改元賜五品以上子為父後者勳一轉民酺三日八十以上粟帛丙戌禁胡人為幻戲者甲午放宮人三月辛巳皇后親蠶丙戌戶部侍郎杜正倫為黃門侍郎中書門下三品四月壬寅詔五品以上老疾不以罪者同致仕壬子矩州人謝無零反伏誅七月癸未崔敦禮為太子少師同中書門下三品八月丙申崔敦禮薨辛丑程知節及賀魯部歌撰祿處月戰于榆幕谷敗之九月庚辰括州海溢癸未程知節及賀魯戰于恒篤城敗之十一月乙丑

以子顯生賜京官朝集使勳一轉自八月霜且雨至於是月是歲龜茲大將羯獵顛附于賀魯左屯衛大將軍楊胄伐之

二年閏正月壬寅如洛陽宮庚戌右屯衛將軍蘇定方為伊麗道行軍總管以伐賀魯二月癸亥降洛州囚罪徒以下原之免民一歲租調賜百歲以上氈裘粟帛庚午封子顯為周王壬申徙封素節為郟王三月戊申禁舅姑拜公主父母拜王妃癸丑李義府兼中書令五月丙申幸明德宮七月丁亥如洛陽宮八月丁卯貶韓瑗為振州刺史來濟為台州刺史辛未衛尉卿許敬宗為侍中九月庚寅杜正倫兼中書令十一月戊戌如許州甲辰遣使慮所過州縣囚乙巳獵于滎南壬子講武于新鄭赦鄭州免一歲租賦賜八十以上粟帛其嘗事高祖任佐史者以名聞十二月乙卯如洛陽宮丁巳蘇定方敗賀魯于金牙山執之丁卯以洛陽宮為東都

三年正月戊申楊胄及龜茲羯獵顛戰于泥師城敗之二月甲戌至自東都戊寅慮囚六月壬子程名振及高麗戰于赤烽鎮敗之十一月乙酉貶杜正倫為橫州刺史李義府普州刺史戊子許敬宗權檢校中書令甲午蘇定方俘賀魯以獻戊戌許敬宗為中書令大理卿辛茂將兼侍中

四年三月壬午岷陵都護阿史那彌射及西突厥真珠葉護戰于雙河敗之四月丙辰于志寧為太子太

師同中書門下三品乙卯黃門侍郎許圜師同中書門下三品戊辰流長孫無忌于黔州于志寧罷五月
己卯許圜師爲中書侍郎同中書門下三品丙申兵部尙書任雅相度支尙書盧承慶參知政事戊戌殺
涼州都督長史趙持滿七月己丑以旱避正殿壬辰慮囚八月壬子李義府爲吏部尙書同中書門下三
品十月丙午皇太子加元服大赦賜五品以上子孫爲父祖後者勳一轉民醜三日閏月戊寅如東都皇
太子監國辛巳詔所過供頓免今歲租賦之半賜民八十以上氈衾粟帛十一月丙午許圜師爲左散騎
常侍檢校侍中戊午辛茂將薨癸亥賀魯部悉結闕俟斤都曼寇邊左驍衛大將軍蘇定方爲安撫大使
以伐之盧承慶同中書門下三品

五年正月癸卯蘇定方俘都曼以獻甲子如并州己巳次長平賜父老布帛二月丙戌赦并州及所過州
縣義旗初嘗任五品以上葬并州者祭之加佐命功臣食別封者子孫二階大將軍府僚佐存者一階民
年八十以上版授刺史縣令賜醪三日甲午祠舊宅三月丙午皇后宴親族隣里于朝堂會命婦于內殿
賜從官五品以上并州長史司馬勳一轉婦人八十以上版授郡君賜氈衾粟帛己酉講武于城西辛亥
左武衛大將軍蘇定方爲神兵道行軍大總管新羅王金春秋爲嶠夷道行軍總管率三將軍及新羅兵
以伐百濟四月癸巳如東都五月辛丑作八關宮戊辰定襄都督阿史德樞賓爲沙磧道行軍總管以伐

契丹六月庚午朔日有食之七月乙巳廢梁王忠爲庶人丁卯盧承慶罷八月庚辰蘇定方及百濟戰敗

之壬午左武衛大將軍鄭仁泰及悉結拔也固僕骨同羅戰敗之癸未赦神兵道大總管以下軍士及其
家賜民醪三日十一月戊戌蘇定方俘百濟王以獻甲寅如許州十二月辛未獵于安樂川己卯如東都
壬午左驍衛大將軍契苾何力爲浪江道行軍大總管蘇定方爲遼東道行軍大總管左驍衛將軍劉伯
英爲平壤道行軍大總管以伐高麗阿史德樞賓及奚契丹戰敗之

龍朔元年正月戊午鴻臚卿蕭嗣業爲扶餘道行軍總管以伐高麗二月乙未改元赦洛州四月庚辰任
雅相爲浪江道行軍總管契苾何力爲遼東道行軍總管蘇定方爲平壤道行軍總管蕭嗣業爲扶餘道
行軍總管右驍衛將軍程名振爲鏐方道行軍總管左驍衛將軍龐孝泰爲沃沮道行軍總管率三十五
軍以伐高麗甲午晦日有食之六月辛巳太白經天八月甲戌蘇定方及高麗戰于浪江敗之九月癸卯
及皇后幸李勣許圜師第壬子徙封賢爲沛王十月丁卯獵于陸渾戊辰獵于非山癸酉如東都鄭仁泰
爲鐵勒道行軍大總管蕭嗣業爲仙愕道行軍大總管左驍衛大將軍阿史那忠爲長岑道行軍大總管
以伐鐵勒

二年二月甲子大易官名甲戌任雅相薨戊寅龐孝泰及高麗戰于蛇水死之三月庚寅鄭仁泰及鐵勒

戰于天山敗之乙巳如河北縣辛亥如蒲州癸丑如同州四月庚申至自同州辛巳作蓬萊宮六月癸亥禁宗戚獻纂組雕鏤七月戊子以子旭輪生滿月大赦賜酺三日右威衛將軍孫仁師爲熊津道行軍總管以伐百濟戊戌李義府罷八月壬寅許敬宗爲太子少師同東西臺三品九月丁丑李義府起復十月丁酉幸溫湯皇太子監國丁未至自溫湯庚戌西臺侍郎上官儀同東西臺三品十一月辛未貶許國師爲虔州刺史癸酉封子旭輪爲殷王是歲右衛將軍蘇海政爲颶海道行軍總管以伐龜茲海政殺崑陵都督阿史那彌射

三年正月乙丑李義府爲右相二月減百官一月俸賦雍同等十五州民錢以作蓬萊宮乙亥殺駙馬都尉韋正矩庚戌慮囚四月戊子流李義府于嵩州五月壬午柳州蠻叛冀州都督長史劉伯英以嶺南兵伐之六月吐蕃攻吐谷渾涼州都督鄭仁泰爲青海道行軍大總管以救之八月癸卯有彗星出于左攝提戊申詔百寮言事遣按察大使于十道九月戊午孫仁師及百濟戰于白江敗之十月辛巳詔皇太子五日一至光順門監諸司奏事小事決之十一月甲戌雨木冰十二月庚子改明年爲麟德元年降京師雍州諸縣死罪以下壬寅安西都護高賢爲行軍總管以伐弓月

麟德元年二月戊子如福昌宮癸卯如萬年宮四月壬午道王元慶薨五月戊申許王孝薨丙寅以旱避

正曆七月丁未詔以三年正月有事于泰山八月己卯幸舊第降萬年縣死罪以下壬午至自萬年宮丁

亥司列太常伯劉祥道兼右相大司憲竇德立爲司元太常伯檢校左相十二月丙戌殺上官儀戊子殺庶人忠劉祥道罷太子右中護樂彥瑋西臺侍郎孫處約同知軍國政事是冬無雪

二年二月壬午如東都三月甲寅司戎太常伯姜恪同東西臺三品戊午遣使慮京師諸司及雍洛二州囚閏月癸酉日有食之是春疎勒弓月吐蕃攻于闐西州都督崔智辯左武衛將軍曹繼叔救之四月丙午赦桂廣黔三都督府丙寅講武于邙山之陽戊辰左侍極陸敦信檢校右相孫處約樂彥瑋罷七月己丑鄧王元裕薨十月壬戌帶方州刺史劉仁軌爲大司憲兼知政事丁卯如泰山大有年

乾封元年正月戊辰封于泰山庚午禪于社首以皇后爲亞獻壬申大赦改元賜文武官階勳爵民年八十以上版授下州刺史司馬縣令婦人郡縣君七十以上至八十賜古爵一級民酺七日女子百戶牛酒免所過今年租賦給復齊州一年半兗州二年辛卯幸曲阜祠孔子贈太師二月己未如亳州祠老子追號太上玄元皇帝縣人宗姪給復一年四月甲辰至自亳州庚戌陸敦信罷六月壬寅高麗泉男生請內附右驍衛大將軍契苾何力爲遼東安撫大使率兵援之左金吾衛將軍龐同善營州都督高侃爲遼東道行軍總管左武衛將軍薛仁貴左監門衛將軍李謹行爲後援七月乙丑徙封旭輪爲豫王庚午劉仁

軌兼右相八月辛丑竇德玄薨丁未殺始州刺史武惟良淄州刺史武懷運九月罷同善及高麗戰敗之十二月己酉李勣爲遼東道行臺大總管率六總管兵以伐高麗

二年正月丁丑以早避正殿減膳慮囚二月丁酉涪陵郡王愔薨辛丑禁工商乘馬六月乙卯西臺侍郎楊武戴至德東臺侍郎李安期司烈少常伯趙仁本同東西臺三品東臺舍人張文瓘參知政事七月己卯以早避正殿減膳遣使慮囚八月己丑朔日有食之辛亥李安期罷九月庚申以餌藥皇太子監國辛未李勣及高麗戰于新城敗之是歲嶺南洞獠陷瓊州

總章元年正月壬子劉仁軌爲遼東道副大總管兼安撫大使涇江道行軍總管二月丁巳皇太子釋奠于國學戊寅如九成宮壬午李勣敗高麗克扶餘南蘇木底蒼巖城三月庚寅大赦改元四月乙卯贈頤回太子少師曾參太子少保丙辰有彗星出于五車避正殿減膳撤樂詔內外官言事庚申以太原元從西府功臣爲二等第一功後官無五品者授其子若孫一人有至四品五品者加二階有三品以上加爵三等第二功後官無五品者授其子若孫從六品一人有至五品者加一階六品者二階三品以上爵一等辛巳楊武薨八月癸酉至自九成宮九月癸巳李勣敗高麗王高藏執之十二月丁巳俘高藏以獻丁卯有事于南郊甲戌姜恪檢校左相司平太常伯閣立本守右相

二年二月辛酉右肅機李敬玄爲西臺侍郎張文瓘爲東臺侍郎同東西臺三品三月丙戌東臺侍郎郝

處俊同東西臺三品癸巳皇后親蠶四月己酉如九成宮六月戊申朔日有食之七月癸巳左衛大將軍契苾何力爲烏海道行軍大總管以援吐谷渾九月庚寅括州海溢壬寅如岐州乙巳赦岐州賜高年粟帛十月丁巳至自岐州十一月丁亥徙封旭輪爲冀王改名輪十二月戊申李勣薨是冬無雪

咸亨元年正月丁丑劉仁軌罷二月戊申慮囚丁巳東南有聲若雷三月甲戌大赦改元壬辰許敬宗罷四月癸卯吐蕃陷龜茲撥換城廢安西四鎮己酉李敬玄罷辛亥右威衛大將軍薛仁貴爲邏娑道行軍大總管以伐吐蕃庚午如九成宮雍州大雨雹高麗酋長鉗牟岑叛寇邊左監門衛大將軍高侃爲東州道行軍總管右領軍衛大將軍李謹行爲燕山道行軍總管以伐之六月壬寅朔日有食之七月甲戌以雍華補同四州早遣使慮囚減中御諸廐馬戊子李敬玄起復薛仁貴及吐蕃戰于大非川敗績八月庚戌以穀貴禁酒丁巳至自九成宮甲子趙王福薨丙寅以早避正殿減膳九月丁丑給復雍華同岐邠隴六州一年閏月癸卯皇后以早請避位甲寅姜恪爲涼州道行軍大總管以伐吐蕃十月庚辰詔文武官言事乙未趙仁本罷十二月庚寅復官名是歲大饑

二年正月乙巳如東都皇太子監國二月辛未遣使存問諸州四月戊子大風雨雹六月癸巳以早慮囚

九月地震丙申徐王元禮薨十月丙子求明禮樂之士十一月甲午朔日有食之庚戌如許州遣使存問所過疾老饑寡慮囚十二月癸酉獵于昆陽丙戌如東都是歲姜恪爲侍中閻立本爲中書令

三年正月辛丑姚州蠻寇邊太子右衛副率梁積壽爲姚州道行軍總管以伐之二月己卯姜恪薨四月壬申校旗于洛水之陰九月癸卯徙封賢爲雍王十月己未皇太子監國十一月戊子朔日有食之甲辰至自東都十二月金紫光祿大夫致仕劉仁軌爲太子左庶子同中書門下三品

四年正月丙辰鄭王元懿薨四月丙子如九成宮閏五月丁卯禁作筮捕魚營圈取獸者八月辛丑以不豫詔皇太子聽諸司啟事己酉大風落太廟鸛尾十月壬午閻立本薨乙未以皇太子納妃赦岐州賜醕三日乙巳至自九成宮

上元元年二月壬午劉仁軌爲雞林道行軍大總管以伐新羅三月辛亥朔日有食之己巳皇后親蠶八月壬辰皇帝稱天皇皇后稱天后追尊六代祖宣簡公爲宣皇帝妣張氏曰宣莊皇后五代祖懿王爲光皇帝妣賈氏曰光懿皇后增高祖太宗及后諡大赦改元賜醕三日十一月丙午如東都已酉獵于華山曲武原十二月癸未蔣王惲自殺

二年正月己未給復雍同華岐隴五州一年辛未吐蕃請和二月劉仁軌及新羅戰于七重城敗之三月

丁巳天后親蠶四月辛巳天后殺周王顯妣趙氏丙戌以旱避正殿減膳撤樂詔百官言事己亥天后殺

皇太子五月戊申追號皇太子爲孝敬皇帝六月戊寅立雍王賢爲皇太子大赦七月辛亥杞王上金免官削封邑八月庚寅葬孝敬皇帝于恭陵丁酉詔婦人爲宮官者歲一見其親庚子張文瓘爲侍中郝處俊爲中書令劉仁軌爲尚書左僕射戴至德爲右僕射十月庚辰雍州雨雹壬午有彗星出于角亢

儀鳳元年正月壬戌徙封輪爲相王丁卯納州獠寇邊二月丁亥如汝州溫湯遣使慮免汝州輕繫三月癸卯黃門侍郎來恒中書侍郎薛元超同中書門下三品甲辰如東都免汝州今歲半租賜民八十以上帛閏月己巳吐蕃寇鄯廓河芳四州左監門衛中郎將令狐智通伐之乙酉周王顯爲洮河道行軍元帥

領左衛大將軍劉審禮等十二總管相王輪爲涼州道行軍元帥領契苾何力等軍以伐吐蕃四月戊申至自東都甲寅中書侍郎李義琰同中書門下三品戊午如九成宮六月癸亥黃門侍郎高智周同中書門下三品七月丁亥有彗星出于東井乙未吐蕃寇疊州八月庚子避正殿減膳撤樂損食粟馬慮囚詔文武官言事甲子停南北中尚黎園作坊減少府雜匠是月青州海溢十月乙未至自九成宮丙午降封

郇王素節鄆陽郡王十一月壬申大赦改元庚寅李敬玄爲中書令十二月戊午來恒薛元超爲河南河北道大使

二年正月乙亥耕籍田庚辰京師地震四月太子左庶子張大安同中書門下三品五月吐蕃寇扶州八月辛亥劉仁軌為洮河軍鎮守使十月壬辰徙封顯為英王更名哲十二月乙卯募關內河東猛士以伐吐蕃是歲西突厥及吐蕃寇安西冬無雪

三年正月丙子李敬玄為洮河道行軍大總管以伐吐蕃癸未遣使募河南河北猛士以伐吐蕃四月丁亥以旱避正殿慮囚戊申大赦改明年為通乾元年癸丑涇州民生子異體連心五月壬戌如九成宮大雨霖九月辛酉至自九成宮癸亥張文瓘薨丙寅李敬玄劉審禮及吐蕃戰于青海敗績審禮死之十月丙申停劍南隴右歲貢丙午密王元曉薨閏十一月丙申雨木冰壬子來恒薨十二月癸丑罷通乾號調露元年正月戊子如東都庚戌戴至德薨四月辛酉郝處俊為侍中五月丙戌皇太子監國戊戌作紫桂宮六月辛亥大赦改元吏部侍郎裴行儉伐西突厥九月壬午行儉敗西突厥執其可汗都支十月突厥溫傳奉職二部寇邊單于大都護府長史蕭嗣業伐之十一月戊寅高智周罷甲辰禮部尚書裴行儉為定襄道行軍大總管以伐突厥

永隆元年二月癸丑如汝州溫湯丁巳如少室山乙丑如東都三月裴行儉及突厥戰于黑山敗之四月乙丑如紫桂宮戊辰黃門侍郎裴炎崔知溫中書侍郎王德真同中書門下三品五月丁酉太白經天七月己卯吐蕃寇河源辛巳李敬玄及吐蕃戰于湟川敗績左武衛將軍黑齒常之為河源軍經略大使丙

申江王元祥薨突厥寇雲州都督竇懷哲敗之八月丁未如東都丁巳貶李敬玄為衡州刺史甲子廢皇太子為庶人乙丑立英王哲為皇太子大赦改元賜酺三日己巳貶張大安為普州刺史九月甲申王德真罷十月壬寅降封曹王明為零陵郡王戊辰至自東都十一月壬申朔日有食之

開耀元年正月乙亥突厥寇原慶二州辛巳賜京官九品以上酺三日癸巳裴行儉為定襄道行軍大總管以伐突厥己亥滅殿中太僕馬省諸方貢獻免雍岐華同四州二歲稅河南河北一年調二月丙午皇太子釋奠于國學三月辛卯郝處俊罷五月乙酉常州人劉龍子謀反伏誅丙戌定襄道副總管曹懷舜及突厥戰于橫水敗績己丑黑齒常之及吐蕃戰于良非川敗之六月壬子永嘉郡王暉有罪伏誅七月己丑以太平公主下嫁赦京師甲午劉仁軌罷左僕射閏月丁未裴炎為侍中崔知溫薛元超守中書令庚戌以餌藥皇太子監國庚申裴行儉及突厥戰敗之八月丁卯以河南河北大水遣使賑乏絕室廬壞者給復一年溺死者贈物人三段九月丙申有彗星出于天市壬戌裴行儉停突厥溫傳可汗阿史那伏念以獻乙丑改元赦定襄軍及諸道緣征官吏兵募十月丙寅朔日有食之十一月癸卯徙庶人賢于巴

州

承瀆元年二月癸未以孫重照生滿月大赦改元賜酺三日是月突厥車薄咽麪寇邊三月戊午立重照為皇太孫四月甲子朔日有食之內寅如東都皇太子監國辛未裴行儉為金牙道行軍大總管率三總管兵以伐突厥安西副都護王方翼及車薄咽麪戰于熱海敗之丁亥黃門侍郎郭待舉兵部侍郎岑長倩祕書員外少監郭正一吏部侍郎魏玄同與中書門下同承受進止平章事五月乙卯洛水溢六月甲子突厥骨咄祿寇邊嵐州刺史三德茂死之是月大蝗人相食七月作萬泉宮己亥作奉天宮庚申尋陵郡王明自殺九月吐蕃寇柘州驍衛郎將李孝逸伐之十月甲子京師地震丙寅黃門侍郎劉齊賢同中書門下平章事

弘道元年正月甲午幸奉天宮二月庚午突厥寇定州刺史霍王元軌敗之三月庚寅突厥寇單于都護府司馬張行師死之庚子李義琰罷丙午有彗星出于五車癸丑崔知溫薨四月己未如東都壬申郭待舉郭正一同中書門下平章事甲申綏州部落稽白鐵余寇邊右武衛將軍程務挺敗之五月乙巳突厥寇蔚州刺史李思儉死之七月甲辰徙封輪為豫王改名巨薛元超罷八月乙丑皇太子朝于東都皇太子孫留守京師丁卯溥沔溢己巳河溢壞河陽城九月乙丑以太平公主子生赦東都十月癸亥幸奉天宮十一月戊戌右武衛將軍程務挺為單于道安撫大使以伐突厥辛丑皇太子監國丁未如東都戊申裴炎劉齊賢郭正一兼於東宮平章事十一月丁巳改元大赦是夕皇帝崩于貞觀殿年五十六諡曰天皇

大帝天寶八載改諡天皇大聖皇帝十三載增諡天皇大聖大弘孝皇帝

贊曰小雅曰赫赫宗周褒姒滅之此周幽王之詩也是時幽王雖亡而太子宜臼立是為平王而詩人乃言滅之者以為文武之業於是蕩盡東周雖在不能復興矣其曰滅者甚疾之之辭也武氏之亂唐之宗室戕殺殆盡其賢士大夫不免者十八九以太宗之治其遺德餘烈在人者未遠而幾於遂絕其為惡豈一褒姒之比邪以太宗之明昧於知子廢立之際不能自決卒用昏童高宗溺愛衽席不戒履霜之漸而毒流天下貽禍邦家嗚呼父子夫婦之間可謂難哉可不慎哉

高宗紀顯慶二年三月癸丑李義府兼中書令○舊書作甲子沈炳震曰按是月無甲子當從新書

咸亨三年十月己未皇太子監國十一月甲辰至自東都○臣酉按二年正月如東都皇太子監國至是

月甲辰始書至自東都則自去年至此皆皇太子監國也此處例不應複書豈因舊書之譌未及刪去耶

宋 翰 林 學 士 歐 陽 修 撰

本紀第四

則天順聖皇后武氏諱曌并州文水人也父士護官至工部尚書荊州都督封應國公后年十四太宗聞其有色選為才人太宗崩后削髮為比丘尼居于感業寺高宗幸感業寺見而悅之復召入宮久之立為昭儀進號宸妃永徽六年高宗廢皇后王氏立宸妃為皇后高宗自顯慶後多苦風疾百司奏事時時令后決之常稱旨由是參豫國政后既專寵與政乃數上書言天下利害務收人心而高宗春秋高苦疾后益用事遂不能制高宗悔陰欲廢之而謀洩不果上元元年高宗號天皇皇后亦號天后天下之人謂之二聖弘道元年十二月高宗崩遺詔皇太子即皇帝位軍國大務不決者兼取天后進止甲子皇太子即皇帝位尊后為皇太后臨朝稱制大赦賜九品以下勳官一級庚午韓王元嘉為太尉霍王元軌為司徒舒王元名為司空甲戌劉仁軌為尚書左僕射裴炎為中書令劉齊賢為侍中中書門下三品戊寅郭待舉魏玄同岑長倩同中書門下三品癸未郭正一罷

光宅元年正月癸未改元嗣聖癸巳左散騎常侍韋弘敏為太府卿同中書門下三品二月戊午廢皇帝

爲廬陵王幽之己未立豫王旦爲皇帝妃劉氏爲皇后立永平郡王成器爲皇太子大赦改元爲文明賜文武官五品以上爵一等九品以上勳兩轉老人版授官賜粟帛職官五品以上舉所知一人皇太后仍臨朝稱制庚申廢皇太孫重照爲庶人殺庶人賢于巴州甲子皇帝率羣臣上尊號于武成殿丁卯册皇帝丁丑太常卿王德真爲侍中中書侍郎劉禕之同中書門下三品庚辰贈玉清觀道士大中大夫王遠知金紫光祿大夫三月丁亥徙封上金爲畢王素節葛王四月丁巳滕王元嬰薨辛酉徙封上金爲澤王素節許王葵酉遷廬陵王于房州丁丑又遷于均州五月癸巳以大喪禁射獵閏月甲子禮部尙書武承嗣爲太常卿同中書門下三品七月戊午廣州崑崙殺其都督路元叟乙丑突厥寇朔州左武衛大將軍程務挺敗之辛未有彗星出于西方八月庚寅葬天皇大帝于乾陵丙午武承嗣罷九月甲寅大赦改元旗幟尙白易內外官服青者以碧大易官名改東都爲神都追尊老子母爲先天太后丙辰左威衛大將軍程務挺爲單于道安撫大使以備突厥己巳追尊武氏五代祖克己爲魯國公妣裴氏爲魯國夫人高祖居常爲太尉北平郡王妣劉氏爲王妃曾祖儉爲太尉金城郡王妣宋氏爲王妃祖華爲太尉太原郡王妣趙氏爲王妃考士讓爲太師魏王妣楊氏爲王妃丁丑柳州司馬李敬業舉兵于揚州以討亂貶韋弘敏爲汾州刺史十月癸未楚州司馬李崇福以山陽安宜鹽城三縣歸于敬業甲申左玉鈐衛大將軍

梁郡公孝逸爲揚州道行軍大總管左金吾衛大將軍李知十爲副率兵三十萬以拒李敬業丁亥左肅

政臺御史大夫鸞味道檢校內史同鳳閣鸞臺三品鳳閣舍人李景謨同鳳閣鸞臺平章事壬辰李敬業克潤州丙申殺裴炎追謚五代祖魯國公曰靖高祖北平郡王曰恭肅曾祖金城郡王曰義康祖太原郡王曰安成考魏王曰忠孝丁酉曲赦揚楚二州復敬業姓徐氏貶劉齊賢爲辰州刺史李景謨罷右史沈君諒著作郎崔謩爲正諫大夫同鳳閣鸞臺平章事十一月辛亥左鷹揚衛大將軍黑齒常之爲江南道行軍大總管庚申右監門衛將軍蘇孝祥及徐敬業戰于阿谿死之乙丑徐敬業將王那相殺敬業降丁卯郭待舉罷鸞臺侍郎韋方質爲鳳閣侍郎同鳳閣鸞臺平章事十二月戊子遣御史察風俗癸卯殺程務挺

垂拱元年正月丁未大赦改元庚戌鸞味道守內史戊辰劉仁軌薨二月乙巳春官尙書武承嗣秋官尙書裴居道右肅政臺御史大夫韋思謙同鳳閣鸞臺三品突厥寇邊左玉鈐衛中郎將溘于處平爲陽曲道行軍總管以擊之沈君諒罷三月崔謩罷丙辰遷廬陵王于房州辛酉武承嗣罷辛未頒垂拱格四月丙子貶鸞味道爲青州刺史癸未溘于處平及突厥戰于忻州敗績五月丙午裴居道爲納言丁未流王德真于象州己酉冬官尙書蘇良嗣守納言封皇帝子成義爲恆王壬戌以旱慮囚壬申韋方質同鳳閣

鸞臺三品六月天官尙書韋待價同鳳閣鸞臺三品九月丁卯揚州地生毛十一月癸卯韋待價爲燕然道行軍大總管以擊突厥

二年正月辛酉大赦賜酺三日內外官勳一轉二月辛未朔日有食之三月戊申作銅甌四月庚辰岑長倩爲內史五月丙午裴居道爲內史六月辛未蘇良嗣同鳳閣鸞臺三品己卯韋思謙守納言十月己巳有山出于新豐縣改新豐爲慶山赦囚給復一年賜酺三日十二月免并州百姓庸調終其身是冬無雪三年閏正月丁卯封皇帝子隆基爲楚王隆範衛王隆業趙王二月己亥以旱避正殿減膳丙辰突厥寇昌平黑齒常之擊之三月乙丑韋思謙罷四月辛丑追號孝敬皇帝妃裴氏曰哀皇后葬于恭陵癸丑以早慮囚命京官九品以上言事壬戌裴居道爲納言五月丙寅夏官侍郎張光輔爲鳳閣侍郎同鳳閣鸞臺平章事庚午殺劉禕之七月丁卯冀州雌雞化爲雄乙亥京師地震雨金于廣州八月壬子魏玄同兼檢校納言交趾人李嗣仙殺安南都護劉延祐據交州桂州司馬曹玄靜敗之是月突厥寇朔州燕然道行軍大總管黑齒常之敗之九月己卯虢州人楊初成自稱郡將募州人迎廬陵王于房州不果見殺十月庚子右監門衛中郎將饒寶璧及突厥戰敗績十二月壬辰韋待價爲安息道行軍大總管安西大都護閻溫古副之以擊吐蕃是歲大饑

四年正月甲子增七廟立高祖太宗高宗廟于神都庚午毀乾元殿作明堂三月壬戌殺麟臺少監周思茂四月戊戌殺太子通事舍人郝象賢五月庚申得寶圖于洛水乙亥加尊號爲聖母神皇六月丁亥朔日有食之得瑞石于汜水七月丁巳大赦改寶圖爲天授聖圖洛水爲永昌洛水封其神爲顯聖侯加特進禁漁釣改嵩山爲神岳封其神爲天中王太師使持節大都督賜酺五日戊午京師地震八月戊戌神都地震丙午博州刺史瑯邪郡王冲舉兵以討亂遣左金吾衛大將軍丘神勣拒之戊申冲死之庚戌越王貞舉兵于豫州以討亂辛亥曲赦博州九月丙辰左豹韜衛大將軍鞠崇裕爲中軍大總管岑長倩爲後軍大總管以拒越王貞張光輔爲諸軍節度削越王貞及瑯邪郡王冲屬籍改其姓爲虺氏貞死之內寅赦豫州殺韓王元嘉魯王靈夔范陽郡王靄黃國公譔東莞郡公融及常樂公主皆改其姓爲虺氏丁卯左肅政臺御史大夫竊味道夏官侍郎王本立同鳳閣鸞臺平章事十月辛亥大風拔木十一月辛酉殺濟州刺史薛顓及其弟駙馬都尉紹十二月乙酉殺霍王元軌江都郡王緒及殿中監裴承光大殺唐宗室流其幼者于嶺南己亥殺竊味道己酉拜洛受圖辛亥改明堂爲萬象神宮大赦

永昌元年正月乙卯享于萬象神宮大赦改元賜酺七日丁巳舒王元名爲司徒戊午布政于萬象神宮頒九條以訓百官己未朗州雌雞化爲雄二月丁酉尊考太師魏忠孝王曰周忠孝太皇置崇先府官戊

戊追諡妣楊氏曰周忠孝太后太原郡王曰周安成王妣趙氏爲王妃金城郡王曰魏義康王妃宋氏爲王妃北平郡王曰趙肅恭王妃劉氏爲王妃五代祖魯國公曰太原靖王夫人裴氏爲王妃三月甲子張光輔守納言癸酉天官尙書武承嗣爲納言張光輔守內史四月甲辰殺汝南郡王瑋鄱陽郡公譚廣漢郡公謚汝山郡公彝零陵郡王俊廣都郡公疇徙其家于嵩州己酉殺天官侍郎鄧玄挺五月丙辰韋待價及吐蕃戰于寅識迦河敗績己巳白馬寺僧薛懷義爲新平道行軍大總管以擊突厥七月丁巳流紀王慎于巴州改其姓爲虺氏丙子流韋待價于繡州殺閻溫古戊寅王本立同鳳閣鸞臺三品八月癸未薛懷義爲新平道中軍大總管以擊突厥甲申殺張光輔洛州司馬弓嗣業洛陽令弓嗣明陝州參軍弓嗣古流人徐敬真乙未松州雌雞化爲雄辛丑殺陝州刺史郭正一丁未殺相州刺史弓志元蒲州刺史弓彭祖尙方監王令基九月庚戌殺恆山郡王承乾之子厥閏月甲午殺魏玄同夏官侍郎崔管戊申殺彭州長史劉易從十月癸丑殺梁州都督李光誼丁巳殺陝州刺史劉延景戊午殺右武威衛大將軍黑齒常之右鷹揚衛將軍趙懷節己未殺嗣鄭王璪丁卯春官尙書范履冰鳳閣侍郎邢文偉同鳳閣鸞臺平章事

天授元年正月庚辰大赦改元曰載初以十一月爲正月十二月爲臘月來歲正月爲一月以周漢之後

爲二王後封舜禹湯之裔爲三恪周隋同列國封其嗣乙未除唐宗室屬籍臘月丙寅殺劉齊賢一月戊

子王本立罷邢文偉爲內史岑長倩武承嗣同鳳閣鸞臺三品鳳閣侍郎武攸寧爲納言甲午流韋方質于儋州二月丁卯殺地官尙書王本立三月乙酉以旱減膳丁亥蘇良嗣薨五月戊子殺范履冰己亥殺梁郡公孝逸六月戊申殺汴州刺史柳明肅七月辛巳流舒王元名于和州殞大雲經于天下壬午殺豫章郡王亶丁亥殺澤王上金許王素節甲午赦永昌縣癸卯殺太常丞蘇踐言八月辛亥殺許王素節之子瓌曾江縣令白令言甲寅殺裴居道壬戌殺將軍阿史那惠右司郎中喬知之癸亥殺尙書右丞張行廉泰州刺史杜儒童甲子殺流人張楚金戊辰殺流人元萬頃苗神客辛未殺南安郡王穎鄆國公昭及諸宗室李直李敞李然李勳李策李越李黯李玄李英李志業李知言李玄貞九月乙亥殺鉅鹿郡公晃麟臺郎裴望及其弟司膳丞璉壬午改國號周大赦改元賜酺七日乙酉加尊號曰聖神皇帝降皇帝爲皇嗣賜姓武氏皇太子爲皇孫丙戌立武氏七廟于神都追尊周文王曰始祖文皇帝妣妣氏曰文定皇后四十代祖平王少子武曰睿祖康皇帝妣姜氏曰康惠皇后太原靖王曰嚴祖成皇帝妣曰成莊皇后趙肅恭王曰肅祖章敬皇帝妣曰章敬皇后魏義康王曰烈祖昭安皇帝妣曰昭安皇后周安成王曰顯祖文穆皇帝妣曰文穆皇后忠孝太皇曰太祖孝明高皇帝妣曰孝明高皇后追封伯父及兄弟之子爲

王堂兄爲郡王諸姑姊爲長公主堂姊妹爲郡主司賓卿史務滋守納言鳳閣侍郎宗秦客檢校內史給事中傅游藝爲鸞臺侍郎同鳳閣鸞臺平章事十月丁巳給復并州武興縣百姓子孫相承如漢豐沛甲午貶宗秦客爲遵化尉丁卯殺流人韋方質己巳殺許王素節之子瑛琪瓊瑒瑤瑛唐臣辛未貶邢文偉爲珍州刺史置大雲寺封周公爲褒德王孔子爲隆道公改唐太廟爲享德廟以武氏七廟爲太廟二年正月甲戌改置社稷旗幟尙赤戊寅殺雅州刺史劉行實及其弟渠州刺史行瑜尙衣奉御行感兄子左鷹揚衛將軍虔通戊子武承嗣爲文昌左相庚寅賜酺乙未殺巨神勣左豹韜衛將軍衛蒲山庚子殺史務滋臘月己未始用周臘四月壬寅朔日有食之丙午大赦五月丁亥大風折木岑長倩爲武威道行軍大總管以擊吐蕃六月庚戌左肅政臺御史大夫格輔元爲地官尙書鸞臺侍郎樂思晦鳳閣侍郎任知古同鳳閣鸞臺平章事七月庚午徙關內七州戶以實神都八月戊申武攸寧罷夏官尙書歐陽通爲司禮卿兼判納言事庚申殺右玉鈐衛大將軍張虔勗九月乙亥殺岐州刺史雲弘嗣壬辰殺傅游藝癸巳左羽林衛大將軍武攸寧守納言冬官侍郎裴行本洛州司馬狄仁傑爲地官侍郎同鳳閣鸞臺平章事十月己酉殺岑長倩歐陽通格輔元壬戌殺樂思晦左衛將軍李安靜

長壽元年正月戊辰夏官尙書楊執柔同鳳閣鸞臺平章事庚午貶任知古爲江夏令狄仁傑彭澤令流

裴行本于嶺南乙亥殺右衛大將軍泉獻誠庚辰司刑卿李游道爲冬官尙書同鳳閣鸞臺平章事一月戊午秋官尙書袁智弘同鳳閣鸞臺平章事四月丙申朔日有食之大赦改元如意五月洛水溢七月又溢八月甲戌河溢壞河南縣戊寅武承嗣武攸寧楊執柔罷秋官侍郎崔元綜爲鸞臺侍郎夏官侍郎李昭德爲鳳閣侍郎權檢校天官侍郎姚璿爲文昌左丞檢校地官侍郎李元素爲文昌右丞營繕大匠王璿爲夏官尙書司賓卿崔神基同鳳閣鸞臺平章事九月戊戌大霧庚子大赦改元改用九月社賜酺七日癸卯以并州爲北都癸丑流李遊道袁智弘王璿崔神基李元素于嶺南十月丙戌武威道行軍總管王孝傑敗吐蕃克四鎮

二年臘月癸亥殺皇嗣妃劉氏德妃竇氏丁卯降封皇孫成器爲壽春郡王恆王成義衡陽郡王楚王隆基臨淄郡王衛王隆範巴陵郡王趙王隆業彭城郡王一月庚子夏官侍郎婁師德同鳳閣鸞臺平章事甲寅殺尙方監裴匪躬內常侍范雲仙三月己卯殺左衛員外大將軍阿史那元慶白潤府果毅薛大信五月乙未殺冬官尙書蘇幹相州刺史來同敏癸丑河溢棣州九月丁亥朔日有食之乙未加號金輪聖神皇帝大赦賜酺七日作七寶庚子追尊烈祖昭安皇帝曰渾元昭安皇帝顯祖文穆皇帝曰立極文穆皇帝太祖孝明高皇帝曰無上孝明高皇帝辛丑姚璿罷文昌右丞韋巨源同鳳閣鸞臺平章事秋官侍郎

耶陸元方爲鸞臺侍郎同鳳閣鸞臺平章事司賓卿豆盧欽望守內史

延載元年臘月甲戌突厥默啜寇靈州右鷹揚衛大將軍李多祚敗之一月甲午婁師德爲河源積石懷遠等軍營田大使二月庚午薛懷義爲伐逆道行軍大總管領十八將軍以擊默啜乙亥以旱慮囚己卯武威道大總管王孝傑及吐蕃戰于冷泉敗之三月甲申鳳閣舍人蘇味道爲鳳閣侍郎同鳳閣鸞臺平章事李昭德檢校內史薛懷義爲朔方道行軍大總管擊默啜昭德爲朔方道行軍長史味道爲司馬四月壬戌常州地震五月甲午加號越古金輪聖神皇帝大赦改元賜酺七日七月癸未嵩嶽山人武什方爲正諫大夫同鳳閣鸞臺平章事八月什方罷戊辰王孝傑爲瀚海道行軍總管己巳司賓少卿姚璿守納言左肅政臺御史大夫楊再思爲鸞臺侍郎洛州司馬杜景佺檢校鳳閣侍郎同鳳閣鸞臺平章事戊寅流崔元綜于振州九月壬午朔日有食之壬寅貶李昭德爲南賓尉十月壬申文昌右丞李元素爲鳳閣侍郎右肅政臺御史中丞周允元檢校鳳閣侍郎同鳳閣鸞臺平章事嶺南獠寇邊容州都督張玄遇爲桂永等州經略大使癸酉雨水冰

天册萬歲元年正月辛巳加號慈氏越古金輪聖神皇帝改元證聖大赦賜酺三日戊子貶豆盧欽望爲趙州刺史韋巨源鄆州刺史杜景佺濼州刺史蘇味道集州刺史陸元方綏州刺史丙申萬象神宮火丙午王孝傑爲朔方行軍總管以擊突厥二月己酉朔日有食之壬子殺薛懷義甲子罷慈氏越古號三月丙辰周允元薨四月戊寅建大周萬國頌德天樞七月辛酉吐蕃寇臨洮王孝傑爲肅邊道行軍大總管以擊之九月甲寅祀南郊加號天册金輪大聖皇帝大赦改元賜酺九日以崇先廟爲崇尊廟

萬歲通天元年臘月甲戌如神岳甲申封于神岳改元曰萬歲登封大赦免今歲租稅賜酺十日丁亥禪于少室山己丑給復洛州二年登封告成縣三年癸巳復于神都一月甲寅婁師德爲肅邊道行軍副總管以擊吐蕃己巳改崇尊廟爲太廟二月辛巳尊神岳天中王爲神岳天中黃帝天靈妃爲天中黃后三月壬寅王孝傑婁師德及吐蕃戰于素羅汗山敗績丁巳復作明堂改曰通天宮大赦改元賜酺七日四月癸酉檢校夏官侍郎孫元亨同鳳閣鸞臺平章事庚子貶婁師德爲原州都督府司馬五月壬子契丹首領松漠都督李盡忠歸誠州刺史孫萬榮陷營州殺都督趙文翽乙丑左鷹揚衛將軍曹仁師右金吾衛大將軍張玄遇左威衛大將軍李多祚司農少卿麻仁節等擊之七月辛亥春官尙書武三思爲榆關道安撫大使納言姚璿爲副以備契丹八月丁酉張玄遇曹仁師麻仁節等及契丹戰于黃崖谷敗績執玄遇仁節九月庚子同州刺史武攸宜爲清邊道行軍大總管以擊契丹丁巳吐蕃寇涼州都督許欽明死之庚申并州長史王方慶爲鸞臺侍郎殿中監李道廣同鳳閣鸞臺平章事十月辛卯契丹寇冀州刺

史陸寶積死之甲午慮囚

神功元年正月壬戌殺李元素孫元亨洛州錄事參軍基連耀箕州刺史劉思禮知天官侍郎事石抱忠
劉奇給事周譚鳳閣舍人王勳前涇州刺史王勳太子司議郎路敬淳司門員外郎劉順之右司員外郎
宇文全志來庭縣主簿柳瓊癸亥突厥默啜寇勝州平狄軍副使安道買敗之甲子婁師德守鳳閣侍郎
同鳳閣鸞臺平章事二月乙巳慮囚三月庚子王孝傑及孫萬勣戰于東碶石谷敗績孝傑死之戊申赦
河南北四月戊辰置九鼎于通天宮癸酉前益州大都督府長史王及善為內史癸未右金吾衛大將軍
武懿宗為神兵道行軍大總管及右豹韜衛將軍何迦密以擊契丹五月癸卯婁師德為清邊道行軍副
大總管右武衛將軍沙吒忠義為清邊中道前軍總管以擊契丹六月丁卯殺監察御史李昭德司僕少
卿來俊臣己卯尚方少監宗楚客同鳳閣鸞臺平章事戊子特進武承嗣春官尚書武三思同鳳閣鸞臺
三品辛卯婁師德安撫河北七月丁酉武承嗣武三思罷八月丙戌姚璿罷九月壬寅大赦改元賜酺七
日庚戌婁師德守納言十月甲子給復徇忠立節二縣一年閏月甲寅檢校司刑卿幽州都督狄仁傑為
鸞臺侍郎司刑卿杜景佺為鳳閣侍郎同鳳閣鸞臺平章事

聖歷元年正月甲子大赦改元賜酺九日丙寅宗楚客罷丁亥李道廣罷三月己巳召廬陵王于房州戊

子廬陵王至自房州四月庚寅赦神都及河北辛丑婁師德為隴右諸軍大使檢校河西營田事五月庚

午禁屠六月乙卯大風拔木七月辛未杜景佺罷八月突厥寇邊戊子左豹韜衛將軍閻知微降于突厥

寇邊甲午王方慶罷庚子春官尚書武三思檢校內史狄仁傑兼納言司屬卿武重規為天兵中道大總

管沙吒忠義為天兵西道前軍總管幽州都督張仁亶為天兵東道總管左羽林衛大將軍李多祚右羽

林衛大將軍閻敬容為天兵西道後軍總管以擊突厥癸丑突厥寇蔚州乙卯寇定州刺史孫彥高死之

九月甲子夏官尚書武攸宣同鳳閣鸞臺三品戊辰突厥寇趙州長史唐波若降于突厥刺史高瑋死之

突厥寇相州沙吒忠義為河北道前軍總管將軍陽基副之李多祚為後軍總管大將軍富福信為奇兵

總管以禦之壬申立廬陵王顯為皇太子大赦賜酺五日甲戌皇太子為河北道行軍元帥以擊突厥戊

寅狄仁傑為河北道行軍副元帥檢校納言辛巳試天官侍郎蘇味道為鳳閣侍郎同鳳閣鸞臺平章事

十月癸卯狄仁傑為河北道安撫大使夏官侍郎姚元崇麟臺少監李嶠同鳳閣鸞臺平章事族閻知微

二年正月壬戌封皇嗣旦為相王臘月戊子左肅政臺御史中丞吉頊為天官侍郎檢校右肅政臺御史

中丞魏元忠為鳳閣侍郎同鳳閣鸞臺平章事辛亥賜皇太子姓武氏大赦一月庚申武攸宣罷二月己

丑如緱氏辛亥如嵩陽丁酉復于神都三月甲戌以隋唐為二王後婁師德為納言四月壬辰魏元忠檢

乾隆四年校刊 唐書卷四本紀 七

校并州大都督府長史天兵軍大總管婁師德副之以備突厥辛丑婁師德為隴右諸軍大使甲辰處因七月丙辰神都大雨洛水溢八月庚子王及善為文昌左相同鳳閣鸞臺平章事太子宮尹豆盧欽望為文昌右相同鳳閣鸞臺三品楊再思罷丁未試天官侍郎陸元方為鸞臺侍郎同鳳閣鸞臺平章事婁師德薨戊申武三思為內史九月乙亥如福昌縣曲赦戊寅復于神都庚辰王及善薨是秋黃河溢十月丁亥吐蕃首領贊婆來

久視元年正月戊午貶吉瓊為瑗川尉壬申武三思罷臘月辛巳封皇太子之子重潤為邵王庚寅陸元方罷司禮卿阿史那斛瑟羅為平西軍大總管丁酉狄仁傑為內史庚子文昌左相韋巨源為納言乙巳如嵩山一月丁卯如汝州温湯戊寅復于神都作三陽宮二月乙未豆盧欽望罷三月癸丑夏官尚書唐奉一為天兵中軍大總管以備突厥四月戊申如三陽宮五月己酉朔日有食之癸丑大赦改元罷天册金輪大聖號賜酺五日給復告成縣一年閏七月戊寅復于神都已丑天官侍郎張錫為鳳閣侍郎同鳳閣鸞臺平章事李嶠罷丁酉吐蕃寇涼州隴右諸軍州大使唐休璟敗之于洪源谷八月庚戌魏元忠為隴右諸軍州大總管以擊吐蕃庚申歛天下僧錢作大像九月辛丑狄仁傑薨十月辛亥魏元忠為蕭關道行軍大總管以備突厥甲寅復唐正月大赦丁巳韋巨源罷文昌右丞韋安石為鸞臺侍郎同鳳閣鸞臺平章事丁卯如新安隴湖山曲赦壬申復于神都十一月甲寅突厥寇隴右

長安元年正月丁丑改元大足二月己酉鸞臺侍郎李懷遠同鳳閣鸞臺平章事三月丙申流張錫于循州四月丙午大赦癸丑姚元崇檢校并州以北諸軍州兵馬五月乙亥如三陽宮丁丑魏元忠為靈武道行軍大總管以備突厥丙申天官侍郎顧琮同鳳閣鸞臺平章事六月庚申夏官侍郎李迥秀同鳳閣鸞臺平章事辛未赦告成縣七月甲戌復于神都乙亥揚楚常潤蘇五州地震壬午蘇味道按察幽平等州兵馬甲申李懷遠罷九月壬申殺邵王重潤及永泰郡主主塔武延基十月壬寅如京師辛酉大赦改元給復關內三年賜酺三日丙寅魏元忠同鳳閣鸞臺三品十一月壬申武三思罷戊寅改含元宮為大明宮

二年正月突厥寇鹽州三月丙戌李迥秀安置山東軍馬檢校武騎兵庚寅突厥寇并州雍州長史薛季昶持節山東防禦大使以備之七月甲午突厥寇代州八月辛亥劍南六州地震九月乙丑朔日有食之壬申突厥寇忻州己卯吐蕃請和十月甲辰顧琮薨戊申吐蕃寇悉州茂州都督陳大慈敗之甲寅姚元崇同鳳閣鸞臺平章事蘇味道韋安石李迥秀同鳳閣鸞臺三品十一月甲子相王旦為司徒戊子祀南郊大赦賜酺三日十二月甲午魏元忠為安東道安撫使

三年三月壬戌朔日有食之四月庚子相王旦罷吐蕃來求婚乙巳以旱避正殿閏月庚午成均祭酒李嶠同鳳閣鸞臺平章事己卯李嶠知納言事七月壬寅正諫大夫朱敬則同鳳閣鸞臺平章事庚戌檢校涼州都督唐休璟爲夏官尙書同鳳閣鸞臺平章事八月乙酉京師大雨雹九月庚寅朔日有食之丁酉貶魏元忠爲高要尉十月丙寅如神都十二月丙戌天下置關三十

四年正月丁未作興泰宮壬子天官侍郎韋嗣立爲鳳閣侍郎同鳳閣鸞臺三品三月癸亥貶李迥秀爲廬州刺史壬申朱敬則罷三月丁亥進封皇孫平恩郡王重福爲譙王己亥夏官侍郎宗楚客同鳳閣鸞臺平章事貶蘇味道爲坊州刺史四月壬戌韋安石知納言事李嶠知內史事丙子如興泰宮赦壽安縣給復一年五月丁亥大風拔木六月辛酉姚元之罷乙丑天官侍郎崔玄暉爲鸞臺侍郎同鳳閣鸞臺平章事丁丑李嶠同鳳閣鸞臺三品壬午相王府長史姚元之兼知夏官尙書同鳳閣鸞臺三品七月丙戌左肅政臺御史大夫楊再思守內史甲午復于神都貶宗楚客爲原州都督八月庚申唐休璟兼幽營二州都督安東都護九月壬子姚元之爲靈武道行軍大總管十月辛酉元之爲靈武道安撫大使甲戌判秋官侍郎張兼之同鳳閣鸞臺平章事壬午懷州長史房融爲正諫大夫同鳳閣鸞臺平章事十一月丁亥天官侍郎韋承慶行鳳閣侍郎同鳳閣鸞臺平章事李嶠罷十二月丙辰韋嗣立罷

五年正月壬午大赦庚寅禁屠癸卯張柬之崔玄暉及左羽林衛將軍敬暉檢校左羽林衛將軍桓彥範司刑少卿袁恕己左羽林衛將軍李湛薛思行趙承恩右羽林衛將軍楊元授左羽林衛大將軍李多祚職方郎中崔泰之庫部員外郎朱敬則司刑評事冀仲甫檢校司農少卿兼知總監翟世言內直郎王同皎率左右羽林兵以討亂麟臺監張易之春官侍郎張昌宗汴州刺史張昌期司禮少卿張同休通事舍人張景雄伏誅丙午皇帝復于位丁未徙后于上陽宮戊申上后號曰則天大聖皇帝十一月崩諡曰大聖則天后唐隆元年改爲天后景雲元年改爲大聖天后延和元年改爲天后聖帝未幾改爲聖后開元四年改爲則天皇后天寶八載加諡則天順聖皇后

中宗大和大聖大昭孝皇帝諱顯高宗第七子也母曰則天順聖皇后武氏高宗崩以皇太子卽皇帝位而皇太后臨朝稱制嗣聖元年正月廢居于均州又遷于房州聖曆二年復爲皇太子太后老且病神龍元年正月張柬之等以羽林兵討亂甲辰皇太子監國大赦改元丙午復于位大赦賜文武官階爵民醮五日免今歲租賦給復房州三年放宮女三千人相王旦爲安國相王太尉同鳳閣鸞臺三品庚戌張柬之袁恕己同鳳閣鸞臺三品崔玄暉守內史敬暉爲納言桓彥範守納言二月甲寅復國號唐貶韋承慶爲高要尉流房融于高州楊再思同中書門下三品姚元之罷甲子皇后韋氏復于位大赦賜醮三日復

宗室死于周者官爵丙寅太子賓客武三思爲司空同中書門下三品貶譙王重福爲濮州刺史丁卯右散騎常侍駙馬都尉武攸暨爲司徒辛未安國相王旦罷甲戌太子少詹事祝欽明同尚書門下三品韋安石罷進封子義興郡王重俊爲衛王北海郡王重茂溫王丁丑武三思武攸暨罷三月甲申詔文明後破家者昭洗之還其子孫蔭己丑袁恕己守中書令四月辛亥桓彥範爲侍中袁恕己爲中書令丁卯高要尉魏元忠爲衛尉卿同中書門下平章事辛未敬暉爲侍中甲戌魏元忠崔玄暉刑部尚書韋安石爲吏部尚書太子右庶子李懷遠爲左散騎常侍涼州都督唐休璟爲輔國大將軍同中書門下三品乙亥張柬之爲中書令五月壬午遷武氏神主于崇恩廟乙酉立太廟社稷于東都戊子復周隋二王後壬辰進封兄成紀郡王千里爲成王甲午敬暉桓彥範張柬之袁恕己崔玄暉罷韋安石兼檢校中書令魏元忠兼侍中甲辰唐休璟爲尚書左僕射特進豆盧欽望爲尚書右僕射同中書門下三品六月壬子左驍衛大將軍裴思諒爲靈武道行軍大總管以備突厥癸亥韋安石爲中書令魏元忠爲侍中楊再思檢校中書令豆盧欽望平章軍國重事七月辛巳太子賓客韋巨源同中書門下三品甲辰洛水溢八月戊申給復河南洛陽二縣一年壬戌追冊妣趙氏爲皇后乙亥祔孝敬皇帝于東都太廟皇后見于廟丁丑幸洛城南門觀鬪象九月壬午祀天地于明堂大赦賜文武官勳爵民爲父後者古爵一級醮三日癸巳韋

巨源罷十月癸亥幸龍門乙丑獵于新安辛未魏元忠爲中書令楊再思爲侍中十一月戊寅上尊號曰應天皇帝皇后曰順天皇后壬午及皇后享于太廟大赦賜文武官階勳爵民醮三日己丑幸洛城南門觀激寒胡戲壬寅皇太后崩廢崇恩廟

二年正月戊戌吏部尚書李嶠同中書門下三品中書侍郎于惟謙同中書門下平章事閏月丙午公主開府置官屬二月乙未禮部尚書韋巨源爲刑部尚書同中書門下三品丙申遣十道巡察使三月甲辰韋安石罷戶部尚書蘇瓌守侍中戊申唐休璟罷庚戌殺光祿卿駙馬都尉王同皎是月置員外官四月己丑李懷遠罷己亥兩毛于鄧縣辛丑洛水溢五月庚申葬則天大聖皇后六月庚寅貶敬暉爲崖州司馬桓彥範瀧州司馬袁恕己賣州司馬崔玄暉白州司馬張柬之新州司馬七月戊申立衛王重俊爲皇太子丙寅魏元忠爲尚書右僕射兼中書令李嶠守中書令辛未左散騎常侍致仕李懷遠同中書門下三品流敬暉于嘉州桓彥範于瀧州袁恕己于環州崔玄暉于古州張柬之于瀧州八月丙子貶祝欽明爲申州刺史九月戊午李懷遠薨十月癸巳蘇瓌爲侍中戊戌至自東都十一月乙巳大赦賜行從官勳一轉十二月己卯靈武軍大總管沙吒忠義及突厥戰于鳴沙敗績丙戌以突厥寇邊京師旱河北水減膳罷土木工蘇瓌存撫河北丙申魏元忠爲尚書左僕射

景龍元年正月丙辰以旱慮囚二月丙戌復武氏廟陵置令丞守戶如昭陵甲午襲德廟榮先陵置令丞
四月庚寅赦雍州五月戊戌右屯衛大將軍張仁亶為朔方道行軍大總官以備突厥丙午假鴻臚卿臧
思言使于突厥死之以旱避正殿減膳六月丁卯朔日有食之庚午雨土于陝州戊子吐蕃及姚州蠻寇
邊姚篤道討擊使唐九徵敗之七月辛丑皇太子以羽林千騎兵誅武三思不克死之癸卯大赦壬戌李
嶠為中書令八月丙戌上尊號曰應天神龍皇帝皇后曰順天翊聖皇后魏元忠罷九月丁酉吏部侍郎
蕭至忠為黃門侍郎兵部尚書宗楚客左衛將軍兼太府卿紀處訥同中書門下三品于惟謙罷庚子大
赦改元賜文武官階勳爵辛亥楊再思為中書令韋巨源紀處訥為侍中蘇瓌罷十月戊寅殺習藝館內
教蘇安恆壬午有彗星出于西方十二月乙丑朔日有食之丁丑雨土
二年二月癸未有星隕于西南庚寅大赦進五品以上母妻封號二等無妻者授其女婦人八十以上版
授郡縣鄉君七月癸巳朔方道行軍大總管張仁亶同中書門下三品丁酉有星孛于胃昴十一月庚申
西突厥寇邊御史中丞馮嘉賓使于突厥死之己卯大赦賜酺三日癸未安西都護牛師獎及西突厥戰
于火燒城死之是歲皇后妃主昭容竇官行墨勅糾封

三年二月己丑及皇后幸玄武門觀宮女拔河為宮市以嬪壬寅韋巨源為尚書左僕射楊再思為右僕
射同中書門下三品壬子及皇后幸太常寺三月戊午宗楚客為中書令蕭至忠守侍中太尉卿韋嗣立
守兵部尚書同中書門下三品中書侍郎兼檢校吏部侍郎崔湜守兵部侍郎趙彥昭為中書侍郎同中
書門下平章事戊寅禮部尚書韋溫為太子少保同中書門下三品太常少卿鄭愔守吏部侍郎同中書
門下平章事五月丙戌貶崔湜為漢州刺史鄭愔江州司馬六月癸巳太白晝見庚子以旱避正殿減膳
撤樂詔括天下圖籍壬寅慮囚癸卯楊再思薨七月丙辰西突厥娑葛降辛酉許婦人非緣夫子封者蔭
其子孫癸亥慮囚庚寅澧水溢八月乙酉李嶠同中書門下三品特進韋安石為侍中壬辰有星孛于紫
宮九月戊辰吏部尚書蘇瓌為尚書左僕射同中書門下三品十一月乙丑有事于南郊以皇后為亞獻
大赦賜文武官階爵入品者減考免關內今歲賦賜酺三日甲戌豆盧欽望薨十二月壬辰前宋國公致
仕唐休璟為太子少師同中書門下三品甲午如新豐溫湯甲辰赦新豐給復一年賜從官勳一轉乙巳
至自新豐

四年正月丙寅及皇后微行以觀燈遂幸蕭至忠第丁卯微行以觀燈幸韋安石長寧公主第己卯如始
平二月壬午赦咸陽始平給復一年癸未至自始平庚戌及后妃公主觀三品以上拔河三月以河源九
曲子吐蕃庚申雨木冰井溢五月辛酉封嗣號王豈為汴王丁卯殺許州司兵參軍燕欽融丁丑剋縣地

震大月皇后及安樂公主散騎常侍馬秦客反壬午皇帝崩年五十五諡曰孝和皇帝天寶十三年加諡大和大聖大昭孝皇帝

贊曰昔者孔子作春秋而亂臣賊子懼其於弑君篡國之主皆不黜絕之豈以其盜而有之者莫大之罪也不沒其實所以著其大惡而不隱歟自司馬遷班固皆作高后紀呂氏雖非篡漢而盜執其國政遂不敢沒其實豈其得聖人之意歟抑亦偶合於春秋之法也唐之舊史因之列武后于本紀蓋其所從來遠矣夫吉凶之於人猶影響也而為善者得吉常多其不幸而罹於凶者有矣為惡者未始不及於凶其幸而免者亦時有焉而小人之慮遂以為天道難知為善未必福而為惡未必禍也武后之惡不及於大戮所謂幸免者也至中宗韋氏則禍不旋踵矣然其親遭母后之難而躬自蹈之所謂下愚之不移者歟

唐書卷四

唐書卷四考證

則天紀五代祖克己高祖居常○舊書外戚傳五代祖名居常高祖名克己

久視元年正月戊午貶吉頊為瑗川尉○頊本傳貶在是年十月臣酉按表久視元年三月甲戌吉頊加

左控鶴內供奉若正月已貶不應三月猶加官也當以本傳為是

長安元年十一月壬申武三思罷○沈炳震曰按三思久視元年正月已罷矣此重出誤

唐書卷四考證

Handwritten notes in the bottom left corner of the left page, including the number 1423 and some illegible characters.

